



R E G U L A
IMITATIONIS
DECEM BENEPLACITORUM
S E V
DECEM VIRTUTUM
B. VIRGINIS MARIÆ
CONGREGATIONIS SUB TITULO EJUSDEM
IMMACULATÆ CONCEPTIONIS
Quam Clerici Regulares Mariani
NUNC UPATI,
Defunctorum, & Parochorum in Cura
Animarum Suffragatores
Approbante, & Confirmante fel. rec.
INNOCENTIO PP. XII. & XIII.
SOLEMNITER PROFITENTUR.



R O M A E M D C C L X X V I I I .
Ex Typographia Reverendæ Cameræ Apostolicæ.

P R E S I D U M F A C U L T A T E .

Quicumque hanc Regulam secuti fuerint, pax super illos. *Apost. ad Galat. 6.*

Qui in misericordia et misericordia
eius in misericordia et misericordia.

qui in misericordia et misericordia.

APPROBATIONES

J. Raymundus Novicki S. T. L. Congreg. Clericorum
Regularium Marianorum Præpositus,
ac Visitator Generalis.

CUM necessitas postulet, ut de Exemplaribus Regulæ Imitationis Decem Beneplacitorum B. Mariæ Virginis & Statutorum Congregationis Nostræ Marianæ singulis Conventibus provideatur, ea propter Admodum Reverendò P. W. Candido Spurny Procuratori Generali vi-gore præsentium facultatem concedimus; Ejusque curæ committimus, ut tam ipsam Regulam quam prædicta Statuta servatis servandis typis man-dare possit. Datum in Conventu Nostro Mariampolensi die 19. Junii 1776.

J. Raymundus Novicki
Præpositus Generalis.

M Andatis obsequuturus Rm. P. Thomæ Augustini Ricchinii Sacri Palatii Apostolici Magistri attente legi tum Regulam Imitationis Decem Beneplacitorum, seu Decem Virtutum Beatae Virginis Mariae &c. cum etiam Statuta Congregationis sub Titulo Immaculatae Conceptionis B. V. M. &c., nihilque in his inveni quod aut cum Catholica Fide, aut cum bonis moribus apprime non consentiat. Quare nihil obstare censeo, quo minus, si iis, ad quos spectat, videbitur, publici juris fiant.

In quorum fidem &c.
Ex Collegio Calasanctio Schol. Piar. die 21. Junii 1778.

Angelus Maria Feltre ex Scholis Piis
Congreg. SS. Rituum Consultor.

P Erlutrans attente ex Commissione Rm. P. Thomæ Augustini Ricchini S. P. A. Magistri sequentia Opuscula nimirum: Regulam imita-tionis Decem Beneplacitorum seu Decem Virtutum B. Virginis Mariae: & Statuta Congregat. sub Titulo Immaculatae Conceptionis B. M. V. &c. nihil mihi datum est invenire quod aut Fidei Regulis aut Morum discipli-nis sit contrarium: immo inveni omnia quæ sunt apta Beatae Virginis Ma-riæ devotionem imitationemque in Fidelium Cordibus promovere. Ar-bitror propterea Opuscula supradicta posse Typis publicis consignari:
Ex Monastero S. Mariæ Novæ de Urbe die 26. Junii 1778.

D. Benedictus Torre Olivetanus
S. R. Congr. Consultor.

IMPRIMATUR,

Si videbitur Reverendissimo Patri Magistro Sacri Palatii
Apostolici,

F. A. Marcucci Episc. Montis Altii Vicege.

IMPRIMATUR.

Fr. Thomas Augustinus Ricchinius Ordin. Praedic. Sacri
Palatii Apostolici Magister,

BREVIS INFORMATIO

De Origine, & Statu Congregationis
Clericorum Regularium
Marianorum.

ONGREGATIO Mariana initium habuit à Ven. Servo Dei Stanislao Papczynscio Polono , qui olim inter Clericos Regulares Scholarum Piarum Sanctissimam duxit vitam , verum ex ea occasione , quā à Sa. Me. Clemente PP. X. iidem Clerici Regulares absoluti fuerunt à Votis simplicibus , atque in plena relictū potestate , liberè tutaque conscientia ex sua Religione egrediendi , Ven. quoque

Stanislaus post diligentissimum Examen eò motu absolutus à Votis simplicibus Annò videlicet 1670. ex castris Illorum discessit . Cumque plures Eidem fuissent oblatæ Dignitates , & Prælaturæ ab Illustrissimis Episcopis Plocensi , Cracoviensi , Posnaniensi , quibus ob singularem suam doctrinam , zelum salutis Animarum , cæterasque Virtutes erat acceptissimus , omnia humiliter respuens Totum se dedit Fundationi Congregationis Marianæ ; ad quem effectum commutatò nigrò habitu in album ad honorem purissimæ Conceptionis Sanctissimæ Virginis tum comparuit coram Nuntio Apostolico Raynutio pro obtinenda benedictione ; ac deinde transactò bienniò apud Illustrissimum Stephanum Vyierbovskì Episcopum Posnaniensem contulit se demùm ad Eremum Corabievensem , ubi erectò Conventu sub Auspiciis Beatissimæ Virginis prima sui Instituti jecit fundamenta ; Cujus scopus , & obligatio est : Cultum , & Veneracionem Immaculatae Conceptionis V. Mariæ specialiter promovere ; Animabus Defunctorum , præsertim Eorum , qui bellò , fame , aut pestilentia ex hac vita decedunt , suffragari ; pro erudienda rudi plebe Missiones instituere , & nedum propriæ , sed , & proximorum saluti ex professo consulere coadjuvando Parochos in exactè Eorum munis adimplendis ; Et hinc est : quod iidem Religiosi Mariani ad prædicationem Verbi Divini , ad administrandum Sacramentum Pænitentiæ semper promptos , & quovis tempore paratos sese ostendere noverunt ; imò & juventutem in primis saltem Fidei , & Literarum principiis (: ubi adest facultas :) instruere aliquando consueverunt . Novum tunc Institutum ex remissione S. Sedis Apostolicæ ad Reverendissimum Dominum Bonvisium Nuntium Apostolicum pro tunc in

Regno Poloniæ existentem , initò consilio-prælaudatus Episcopus Posnaniensis canonice , ritè , & legitimè servatls servandis in Votis simplicibus Anno Domini 1679. fundavit , & erexit . Cumque crescerent in dies Aseclæ , qui ab insigni Sanctitatis Ven. Servi fama , incitati ex omni parte ad Eum confluébaut , Joannes III. Sobieski Rex Poloniæ pro amplianda Congregatione partem suæ Sylvæ regalis Eidem donavit , & Universam Congregationem Republica Polona in perpetuam protectionem per Constitutionem Regni singularib[us] Privilegiis Sere-nissimorum Poloniæ Regum exornatam suscepit . Ipse etiam Posnaniensis Antistes alterum illi erexit Cænobium , & successivè alii plures Conventus diversis in locis fundati sunt . Cui-piens autem Vener. Institutor stante suâ vitâ Approbationem Apostolicam sui Instituti obtainere , ideo pro hac impetranda ad A. m. Urbem se contulit , at vacante tunc S. Sede Apostolica ob immaturum obitum Sa. Me. Alexandri PP. VIII. variis Ipse interim afflictus infirmitatib[us] diutiùs Romæ manere non potuit , sed (: obtentâ solum ab Ordine Seraph. Decembeneplacitorum B. Virginis Confraternitate , & ab aliquibus Ordinibus præsertim Mendicantibus Privilegiorum communicatione , quæ per extensionem Omnibus profitentibus Regulam B. Virginis concessa sunt :) in Poloriam regredi coactus fuit . Tractu tamen temporis desideratam à S. Sede Apostolica sui Instituti Approbationem feliciter impetravit regnante pro tunc f. r. Innocentio PP. XII. qui , cùm in minorenne Nuntium in Polonia ageret , Venerabilem Stanislaum in suum habuit Confessarium , ac proinde etiam benè perspectas Ejus habuerat Virtutes , quapropter Regulam à pluribus suis Prædecessoribus præ-sertim Alexandro VI. Julio II. Leone X. jam dudum pro parte B. Joannæ Valesiæ Reginæ de Francia approbatam (: quæ pro fine , & Objecto habet Imitationem Decem Virtutum seu Decem Beneplacitorum B. V. Mariæ suo Instituto multum confor-mem & accommodam :) iisdem Religiosis Marianis appropriavit , & (: salvis semper manentib[us] Eorum propriis Constitu-tionib[us] & Capitulorum Generalium statutis :) servandam assignavit , ac per speciale Breve commisit suo Nuntio Apostoli-co , pro eo tempore , Francisco Pignatello , ut hujus Regulæ solemnem Possessionem à Servo Dei tamquam primo Præposito Generali exciperet , Ejusque Socios & Aseclas ad profitendum admitteret , Eorumque Institutum approbatum declararet , quod totum Annò Domini 1701. exactè adimpletum fuit . Ac demum iterum Anno 1723. Eadem Congregatio Mariana à Sa. Me. In-no-centio XIII. Summo Pontifice confirmata extitit , quæ sic in suo flore usque in hodiernum perseverat , & subsistit .

A P P R O B A T I O

Congregationis Clericorum Regularium Marianorum

*Defunctis, & Parochis in Cura Animarum
suffragantium.*

FRANCISCUS PIGNATELLUS

Dei, & Apostolicæ Sedis Gratia Archi-Episcopus
Tarentinus,

*Sanctissimi Domini Nostri, Domini Clementis Divina Providentia
Papæ Ejus Nominis XI. Prælatus Domesticus, & Assistens,
Ejusdemque & Sanctæ Sedis Apostolicæ ad Serenissimum
Augustum II. Poloniæ Regem Potentissimum,
Totumque Regnum Poloniæ, & Magnum
Ducatum Lithuaniae cum Facultatibus
Legati de Latere Nuntius.*



Overint Universi, & singuli, quorum interest, aut interesse quoquomodo poterit, comparuisse coram Nobis Admodum Reverendum Patrem Stanislaum à Jesu Maria Præpositum Generalem Ordinis Immaculatae Conceptionis, Congregationis Defunctorum & Parochorum Suffraganticis suo, Totiusque dicti Ordinis Nominis, & exhibuisse literas susceptionis, seu aggregationis à Reverendissimo Patre Generali totius Ordinis S. Francisci in forma probanti, & authentica expeditas, & quarum tenor est iste, qui sequitur: Fr. Mathæus à S. Stephano Lector Jubilatus, ac totius Ordinis S. P. N. Francisci Minr' Generalis & Servus. Dilectis in Domino Fratribus tam Presbyteris quam Clericis ac Conversis Marianis nuncupatis sub Titulo, seu Invocatione Immaculatae Conceptionis Virginis Deiparæ devotum Deo in sanctis exercitiis famulatum præstantibus præsentibus ac futuris salutem in eo, qui est vera salus. Instituta jam pridem per nonnullas pias personas, atque in Dei Ecclesia promotâ Sanctâ Beatæ Mariæ Virginis Imitatione, per easdem fuit disposita regula quædam devotionis Spiritu plena, quam sub Titulo Regulæ Decem Beneplacitorum Ejusdem B. Mariæ Virginis pro Viris,

& Fæminis , seu Fratribus , ac Monialibus solemniter approba-
 vit Sa. Me. Alexander PP. VI. & deinde p. r. Julius II. , expe-
 ditis defuper Apostolicis Literis incip: *Ad ea* , quæ Dat. sexto
 Idus Januarii 1506. , iterata Approbatione benigne confirmar-
 uit . Crescente autem postmodum utriusque sexus Christi fide-
 lium numero , Imitationi Deiparæ sub Documentis ejusdem Re-
 gulæ impensius insistentium f. r. Leo X. Eosdem in tres Ordines
 à se approbatos distribuit , hanc èandem Imitationem , seu
 Institutum de Imitatione in decem Beneplacitis præfatis (: pro-
 ut in Apostolicis Ejusdem Leonis X. Literis , quarum initium
 est : *Regulam profertibus* , , octavò Calend. Augusti 1517. ,
 & aliis : *Cum in honorem die 14. Julii ejusdem Anni emanatis*
pleniùs continetur :) omnibus præscribendo . Quibus tandem
 tam per ipsummet Leonem Papam , quam per alios plures Pon-
 tifices Ejus succéssores amplissima Privilegia , Gratiæ , Indul-
 gentiæ , peccatorum remissiones , Exemptiones , & Indulta
 fuerunt aut de novo concessa , aut communicata ex antea con-
 ccessis cæteris Ordinibus & Religionibus , sicut ad plenum con-
 tinetur , & exprimitur in Libro de Imitatione Mariæ ostensa ,
 & edocta in præmemorata Regula . Hinc cum Vos (: qui jam
 dudum prævia Ordinaria Authoritate in præmemoratis spiritua-
 libus exercitiis sub Titulo Immaculatæ Conceptionis Dei Geni-
 tricis Mariæ præelegistiis Deo famulatum præstare devotum . ,
 jam verò perfectius in dies desideretis Ipsius Deiparæ Imitatio-
 ni insistere juxta Regulam in prædicto Libro Viris appropria-
 tam , nec non gaudere gratiis , exemptionibus , Indulgentiis ,
 Privilegiis ibidem pro jam dictis Sectatoribus Decem Benepla-
 citorum seu Virtutum B. Mariæ solidè descriptis :) nobis per
 P. Joachimum à S. Anna vestri Instituti Sectatorem , vestrum
 que in Alma hac Urbe Procuratorem nobis humiliter feceri-
 tis supplicari , quatenus benignè inclinaremur ad interponen-
 dam circa præmissa facultatem nobis ab Apostolica Sede miseri-
 corditer impertitam , Nos , qui ejusdem Sanctæ Sedis menti ,
 & intentioni refragaremur , si in hac parte piis vestrīs precibus
 annuere recusaremus . Authoritate & facultatibus in præmissis ,
 aliisque Apostolicis Literis nobis hucusque concessis consulto
 utentes , Vos omnes , & singulos tam Presbyteros quam Cle-
 ricos & Conversos præfati Instituti sectatores , eosque qui de
 cætero admissi fuerint , in istius cætus sodales permanenter sus-
 cipimus . Vobis insimul permittentes , ut sub habitu Regulari
 per vos gestari consueto prædictam Régulam Dccem Beneplaci-
 torum , seu Virtutum B. V. Mariæ Viris , ut præfertur , ap-
 propriatam profitari possitis , nec non ut recursum ad Aposto-
 licam Sedem faciatis ad providentiam obtinendam , vi cuius li-
 berè uti & potiri possitis omnibus , & singulis Privilegiis , Gra-
 tiis , & Indulgentiis , peccatorum remissionibus , Exemptioni-
 bus ,

būs , & Indultis Apostolicis superius enumeratis . Ea siquidem dictæ Professionis vigore vobis ac Successoribus vestris competere ac suffragari , Nos authoritate , & facultate præmissa munīti meritò dicimus , & declaramus , commendantes Ordinem Vestrum deinceps nuncupandum de Decem Beneplacitis , seu Decem Virtutibus B. Mariæ Virginis sub titulo seu Invocatione Immaculatæ Conceptionis Ejusdem , Ipsiisque Fratres tam Presbyteros quam Clericos , & Conversos favori ac protectioni Illusterrimorum ac Reverendissimorum Ordinariorum Locorum , & Nuntiorum Sedis Apostolicæ , Invictissimi præsertim , & orthodoxi Regni Poloniæ , in quo initium habuit , & permaxime viget Institutum , cui Altissimum incrementum in dies præstet ad laudem , & Gloriam Suæ Sanctissimæ Matris , & cultum Immaculatæ Conceptionis Ipsius , vestrum decus , ac perenne ornamentum . Dat. in nostro Aracælit . Conventu die 21. Septembr. Annò 1699. F. Matthæus à Sancto Stephano Minr' Generalis (: Locus ✯ Sigilli :) de Mandato suæ Reverendissimæ Paternitatis F. Nicolaus de Leon Secretarius Generalis Ordinis . Necnon alias Literas Apostolicas sub Annulo Piscatoris in pargameno scriptas , sanas , salvas , & illæfas , nulliusque suspicionis nota laborantes , quarum tenor pariter est , qui sequitur , videlicet : *Foris* : Dilecto Filio Nostro , & Sedis Apostolicæ Nuntio in Regno Poloniæ Residenti : *Intus verò* , Innocentius PP. XII. Dilecte Fili Noster salutem , & Apostolicam Benedictiōnem . Exponi Nobis nuper fecit dilectus filius Joachimus à S. Anna Presbyter ac Procurator Ordinis , & Congregationis tam Presbyterorum , quam Conversorum Marianorum nuncupati , imitationi , & cultui Deiparæ sub Confraternitate Decem Beneplacitorum B. Virginis Mariæ insistentium in Regno Poloniæ , quæ prædicta Congregatio à Dilecto Filio Stanislao à Jesu Maria iam pridem Authoritate Ordinaria , & Dilecti Filii Nostri , & Sedis Apostolicæ Nuntii tunc in Regno prædicto residentis ibidem . & in Dioceſi Poſnaniensi erēcta , & instituta admissa extiterit à dilecto filio moderno Ministro Generali Ord. Min. S. Francisci vigore facultatis eidem per Privilegia Apostolica competentis ad Professionem , & Observantiam Regulæ Decem Beneplacitorum B. Mariæ Virginis per S. Sedem ritè ac solemniter approbatæ , Virisque probè accommodatae sub Titulo , seu invocatione Immaculatæ Conceptionis ejusdem Virginis Deiparæ , & cum onere seu exercitio exhibendi pia suffragia pro Animabus in purgatorio existentibus , ac præstandi Parochis subsidium , & juvamentum in administratione Sacramentorum , & instrutione Christi Fideliūm , nec non quod juxta Indulta Apostolica in eisdem Literis prædicti Ministri Generalis enunciata frui debet ipsa Congregatio modò prædictò admissa Privilegiis , Gratiis , & Indulgentiis , Ordinibus sub præmemorata Regula Deo


famulatum exhibentibus seu exhibituriſ à Sancta Sede concessis;
 Et quamvis ſicut eadem expoſitio ſubjungebat de dictarum Literarum Patentium validitate nullò unquam tempore dubitari poſſit
 vel debeat, quominus ſuum plenarium fortiantur effectum, quia
 tamen veretur, nè earundem Literarum Patentium ejecutio,
 & Observantia, illarumque uſus quandoque à Dilēctis Filiiſ alii-
 quibus Regularibus, ac aliis forſan Personis illarum partium im-
 pugnetur vel perturbetur, ideo Nobis humiliter ſupplicari fecit
 Exponens præfatus, ut ei in præmissis opportunè providere de
 benignitate Apostolica dignaremur; Nos igitur eundem Expo-
 nentem à quibusvis Excommunicationis, Suspensionis, & In-
 terdicti aliisque Ecclesiasticis Sententiis, Cenſuris, & poenit. à
 jure vel ab homine quavis occaſione vel cauſa latiſ, ſi quibus
 quomodolibet innodatuſ exiſtit, ad effectum præſentium dunta-
 xat conſequendum, harum ſerie absolventes & abſolutum fore
 cenſentes hujusmodi ſupplicationibus inclinati Discretioni Tuæ
 (: attento, quod, ſicut dictus Exponens afferit, agitur inter
 Exemptos;) per præſentes committimus, & mandamus, qua-
 tenus voçatis ad id, qui fuerint evocandi, ad executionem, &
 obſervantiam memoratarum literarum Patentium prædicti Mi-
 niſtri Generalis, omniumque in eis contentorum juxta illarum
 formam & tenorem, dummodi judicium ſuper præmissis alibi
 cæptum non fit, Authoritate Noſtra prout de jure procedas,
 procedique mandes, Nos enim Tibi etiam per Edictum publi-
 cum conſtituto de non tuto acceſſu dictos Regulares, omnesque
 alios earundem Literarum patentium executionem ac obſervan-
 tiā & uſum impugnare prætendentes Adversarios, ac quos,
 quibus, quoties, ubi & quando opus fuerit, citandi, illisque,
 & quibus videbitur, ſub ſententiis, cenſuris, & poenit inhiben-
 di, ac inobedientes in illas incidiſſe ſervatā formā Concilii Tri-
 dentini declarandi, aggravandi, reaggravandi, & interdicen-
 di, auxiliūque brachij ſecularis, ſi opus fuerit, invocandi,
 nec non cætera in præmissis neceſſaria, & opportuna faciendi,
 exercendi & exequendi plenam, & liberam Apostolica Autho-
 ritate tenore præſentium concedimus facultatem, non obſtan-
 tibus præmissis, ac Constitutionibus, & Ordinationibus Apo-
 stolicis, cæterisque contrariis quibuscumque. Datum Romæ
 apud Sanctam Mariam Majorem, ſub Annulo Piscatoris, die
 24. Novembris MDCXCIX. Pontificatus Noſtri anno IX. =
 B. Card. Pro-Datar, Locuſ * Annuli Piscatoris = Nobis hu-
 militer ſupplicaviffe, ut ad earum Literarum Apostolicarum
 executionem procedere dignaremur; Nos vero præfatis Literis
 Apostolicis de bīa cum reverentiā ſuceptis, ante omnia Con-
 ſensum Patrum & Fratrum hujusmodi Regulam proſiteri volen-
 tium requiſivimus, qui cum expetitum Conſensum præſtitiffent.
 Nobisque eundem cum ſubſcriptionibus, & Sigillo reproduxiſ-
 ſent.

sent, & cujus tenor est talis: Nos infra scripti Ordinis Immaculatae Conceptionis Congregationis Polonæ, Defunctorum & Parochorum suffragatricis indigni Superiores, & Sacerdotes Capitulariter congregati, præmissâ Votivâ de Spiritu Sancto, acceptamus in Domino, etiam nomine aliorum nobiscum idem sentientium Fratrum tam Clericorum quam Conversorum Regulam Imitationis Decem Virtutum B. V. Mariæ Dominæ Nostræ à Summis Pontificibus fel. recori: Alexandro VI. & Julio II., Leone X. approbatam & confirmatam, nobisque ex Urbe ad instantiam nostram ad profitendum benignè transmissam uba cum Brevi Apostolico felicissimæ recordationis Innocentii PP. XII., cujus vigore Brevis volumus Professionem solemnium Votorum secundum prædictam Regulam emittere, eamque cum gratia Dei observare. Supplicamus itaque Illmo Excelmo ac Rmo Domino Nuntio Apostolico, Domino & Protectori, ad quem memoratum Breve directum est, ut benigne dignetur annuere, & Authoritate sua decernere, quatenus ad emittendas Professiones, præcipue ob gravem infirmitatem Generalis Præpositi nostri idem fibi vehementer exoptantis & a Sua Reverendissima Celsitudine humillime exorantis, possimus accelerare. In quorum fidem pro Nobis, & aliis subscribimus & Sigillo veteri Congregationis consignamus Goræ in Cænaculo Domini anno 1701. die 14. Aprilis. Stanislaus a J. M. iudignus Præpositus, Joachimus à S. Anna Assistens & Procurator Generalis, Josephus ab O.O. SS. Assistens, Jacobus à S. Anna, Constantinus à S. Casimiro, Cyprianus à S. Stanislao Scretarius. Locus ✠ Sigilli. Fuimus propterea iterum requisiti, ut ad executionem suprascriptarum Literarum Apostolicarum procedere dignaremur; Nos vero viis præfatis Literis Apostolicis nec non susceptionis, & aggregationis atque Consensus præstigi cum supplicatione adjecta, consideratis considerandis, & examinatis examinandis, ad executionem, & obseruantiam memoratarum Literarum Apostolicarum, & aliarum Patentium Ministri Generalis, omniumque in eis contentorum juxta illarum formam, & tenorem superius insertum procedentes præfatum Admodum Reverendum P. Stanislaum à Jesu Maria Præpositum coram Nobis ad Professionem Regularem emmittendam se fistentem admisisimus, eandemque ab ipso in manibus Nostris recepimus juxta præscriptum Regulæ. Post cujus Professionis emissionem idem A. Rev. P. Stanislaus à Jesu Maria uti legitimus Superior Generalis à suis Religiosis in manibus propriis vel coram Delegato suo eandem Professionem recipiet, prout recipi obstringimus. Et tandem his adimpletis mandamus omnibus, & singulis, ut hujusmodi Religiosos pro veris, legitimis, ac Exemptis Religiosis recognoscant sub poenis in dictis Literis Apostolicis contentis, aliisque S. Sedi Apostolicæ, & Nobis, successoribusque Nostris

arbitriis. Hortantes in Domino hujusmodi Religiosos, quatenus Regulam sibi præscriptam obseruent, & observari curent. In quorum fidem præsentes subscriptimus, & Sigillo Nostro communiri fecimus. Datum Varsaviæ die sexta mensis Junii anno Domini 1701.

Franciscus Archi-Epis**c**opus Tarentinus Nuntius Apostoli-
cus manu propria,
Septimius Paulutius Auditor Generalis .

Adalbertus Skwarczynski Cancellarius et consiliorius eiusdem.



(XIII)

REGULA DECEM BENEPLACITORUM

SEU

DECEM VIRTUTUM

BEATAE VIRGINIS MARIAE

A san. mem. Alexandro PP. VI. Julio II.

Leone X.

APPROBATA, ET CONFIRMATA.



XPEDIT, ò! Animæ Dilectissimæ! Cultui Deiparæ specialiter addictæ, ut in primis & antè omnia præ oculis vestris continuè ipsam Virginem habeatis, jactantes cogitatus vestros & aspectus in ipsam sicut Magi in Stellam, sit Virgo exemplar vestrum, sit Oraculum, sit Regula; & nullum aliud majus studium habeatis, nisi ut Virginem imitando, perfectè Sponso Animarum vestrarum placatis. Hæc enim sit prudentia Vestra, Consilium, Vocatio, Religio, & Finis, ut Deo sincerè semper serviatis. Verum, quia modus Virginem imitandi, & ad illius exemplum Deo placendi, qui in Regula vestra positus est, totus ex Evangelio est desumptus, necesse ergo habeatis ea scire, quæ Evangelium dicit Virginem cogitasse, dixisse, vel fecisse. His tribus modis offertur in Evangelio Vobis Virgo elucidabilis, & imitabilis, quam si elucidaveritis, vitam æternam habebitis; Scitote igitur, quod quamvis Virgo Maria plena fuerit omnibus gratiis, & virtutibus, Spiritus tamen Sanctus voluit, & fecit, quod ab Evangelistis solum decem commemorarentur. Has Decem Virtutes, quas, teste Evangelio, Virgo habuit, debetis habere, & omnia, quæ per illas Virgo legitur cogitasse, dixisse, aut fecisse, debetis cogitare & facere, & ita secundum quamlibet harum Virtutum tripliciter debetis Virginem imitari corde, ore, & opere, in quo perfecte stat, & consistit omnis perfeccio, & Regulæ Vestrae vera completio.

CA-

C A P U T I

*De Virtute Castitatis Mariæ Virginis: inter virtutes ejus primo
loco in Evangelio commemoratæ, quam debetis
habere, & secundum illam tripliciter
Virginem imitari.*

MARIÆ Virginis dñnumerare in speciali omnes virtutes non possumus, has solum commemorabimus, quæ specialiter in Evangelio commémorantur, in quo legimus primo Virtutem Puritatis esse commemoratam, ut sciant Animaë devoutæ, quod primo debeant intendere, & omnem sensum applicare, ut ad exemplar Virginis tanquam veræ Sponsæ Christo placeant in castitate, & ea cogitent, dicant, & faciant, quæ Virgo legitur in Evangelio ex puritate cogitasse, dixisse, vel fecisse. Eruitur autem ex Evangelio Virginem ex sua Virginali puritate, ut Deo placeret perfectissimè, primò virginitatem vovisse, ac præterea legimus in eodem Evangelio se S. Joseph desponsasse, ac tandem Gabrielem interrogasse? dicens: *quomodo fiet istud, quoniām Virum non cognosco?* Personæ itaque hujus Ordinis ad exemplum & imitationem Virginis, ut Christo Sponso placeant, voveant perpetuam castitatem, & verum Joseph scilicet Jesum accipiant in Sponsum, nulla vana querant, nullaque verba vani Amoris aut dicant, aut audiant, sed cum solo Jesu Sponso suo querant habere familiaritatem. O! quam dulciter, & lætanter morietur Persona illa, quæ in vita sua neminem præter Jesum Amatorem habuit! Ad habendam, autem hanc Virtutem, fugiant otium, crapulam, suspecta consortia, vultusque, Corporisque ornatum, & vocalis cantum, unde hominibus placeant, sed soli Christo place re querant, & studeant, qui totus est desiderabilis, amabilis, & pulchrior universis. O! quot! otium & crapula perdiderunt! ò quot! mundana consortia, familiaritates, literæ, muscula damnaverunt! ò quot! conscientias vultus, cantusque ad malum deduxerunt. Felix haec Anima, quæ dicere corde, ore, & opere potest: *Jesus Amor meus! Jesus Sponsus meus!* *Jesus Deus meus, & omnia.* O! quam speciosum, & spatiōsum regnum Anima recipiet in futuro sœculo, quæ in hoc mundo propter Christum se inclusit in claustrō, maximè si clausuram non solum localem, verum etiam cordialem servaverit, scilicet per fenestras sensuum nihil vanum intrare permittendo, & corde ad extra per affectionem non exēundo, sed in his solum Jesum toto corde, & affectu amando, & in eo solo delectationem, & consolationem querendo,

C A P U T . II.

*De Virtute Prudentiae Virginis secundo loco in Evangelio
commemoratae, quam debetis habere, & secundum
illam tripliciter Virginem imitari.*

MARIA Virgo prudentissima semper fuit, & ex prudenter sua, ut Christo placeret, quæ sequuntur, cogitavit, dixit, & fecit. Nam cogitabat, qualis esset Gabrielis salutatio, & conservabat omnia verba hæc conferens in corde suo; ac fugit in Ægyptum pro filio conservando, nec rediit inde nisi prius Herode defuncto; denique fugit à loco, ubi erat Archelai habitatio. Ad exemplum & imitationem Virginis Animæ devote ut placeant Christo, & Virgini, non debent leviter loqui, sed esse tardiloquæ debentque dicenda præmeditari in corde, antequam ore fari. Caveant igitur à verbis otiosis, & ab omnim mendacio, quia perdet Deus omnes, qui loquuntur mendacium. Et, cum perfectissima Sapientia in hoc consistat, ut sciat quis placere Dœo, & cayere ab omni, quo offenditur Deus, peccato, debent conferre jugiter in corde suo, quomodo ab eis Regula Beatisimæ Virginis Mariæ observetur, &, si vita illorum coram Jesu munda, & placida inveniatur. Maxime autem caverentur debent ab Hærode, & Archelao: non enim vacat mysterio, quod hos duos Reges legitur Virgo fugisse, quia per Herodem vitium carnis, per Archelaum vitium ambitionis significatur; hæc namque duo peccata melius fuga, quam pugna vincuntur, dum scilicet, ad Exemplum, Virginis Personæ hujus Regulæ fugiunt omnem familiaritatem; & abhorrent omnne Officium sive Superioritatem. Tunc autem dicuntur redire defuncto Hærode, cum sic mortua est caro & fugata ambitione, ut Officia, quæ recipiunt, per solam vim Obedientiae recipiant. Ad observandam autem perfectius hanc Virginis prudentiam, nullæ Personæ penitus admittantur in Domum Mariæ, nisi Angelicæ, scilicet mente, & corpore fortes, sine nota infamiae, fideles, & Catholicæ, sufficienter edoctæ, nec ullo sæculari vinculo ligatae.

C A P U T III.

*De Virtute Humilitatis tertio loco in Evangelio commémorata,
quam debetis habere, & secundum illam tripliciter
Virginem imitari.*

MARIA Virgo humillima semper fuit, cuius humilitatem Dominus respexit, & ex humilitate sua, ut Deo placet, quæ sequuntur, cogitavit, dixit, & fecit. Nam turbata fuit, sive timuit laudata à Gabriele, cui cum humilitate respondit dicens; *'Ecce Ancilla Domini fiat mihi secundum Verbum tuum'*, Ad Exemplum & Imitationem Virginis Personæ hujus Ordinis timeant, & turbentur, dum laudantur, aut in aliquo Officio pónuntur; Vera enim humilitas tunc in Anima dignoscitur, quando laudata exterius, interius tristatur, & turbatur, sicut vera superbia tunc inesse cognoscitur, quando in Officio sublimata vel ab aliquo laudata exhilarescit, & lætatur. Humiliter etiam in Capitulis, & Consultationibus se gerant, non se excusent aut defendant, privatas opiniones super aliorum totius Communitatis non præferant, nec affectiones proprias sequantur, sed semper dicant: *'fiat mihi secundum Verbum tuum'*, & non secundum meum. Ad habendam perfectius hanc humilitatis Virtutem, sibi unam è Personis Communitatis præponant, cui obedient, quam diligent, & revereantur sicut Vicariam Mariæ Virginis, quia re vera talis tenet locum Ejus. Et ideo non secùs accipiant mandata illius, quām si ab ore Virginis proferrentur, cāveantque summopere, nè Ordinationes Ipsius dijudicent, sed simpliciter in omnibus Ei obedient. Singulis Sabbathis ordinariè fiat Capitulum Culparum, in quo profuis defectibus poenitentias recipient salutares, memores: quod hujusmodi Capitulum, est purgatorium Animarum humilium. Superior autem cum discrezione defectus puniat applicando juxta exemplum boni Samaritani oleum cum vino. Semel etiam in anno singula domicilia visitentur ab hujus Ordinis Praelato, cuius ipsorum cura seu regulatio sit commendata; In hac Visitatione Ipse debebit præfertim inquirere de Castitate, Charitate, & Pace fraterna, de Paupertate, & Obedientia, de Officio Divino, & Oratione Sancta. Quoad Capitula vero, in quibus fieri debeant Electiones, aut privationes pro singulis Domiciliis, vel Provinciis, seu pro Toto Ordine, & quoad formas in his, & in aliis quām plurimis rebus tenendas omnino serventur Sacri Canones, & Constitutiones Apostolicæ tam editæ, quām edendæ cum Statutis condendis ab iisdem Capitulis circa gubernium hujus Ordinis.

(XVII)

C A P U T IV.

*De Virtute Fidei quarto loco in Evangelio commemoratae,
quam debetis habere, & in ea tripliciter.
Virginem imitari.*

MARIA Virgo in fide firmissima semper fuit, & ex fide sua, ut Deo placeret, quæ sequuntur, cogitavit, dixit, & fecit. Nam Filium Dei fide, humilitate, & obedientia concepit, ad montana ascendit, & in Domum Zachariæ intravit, Sanctamque Elisabeth salutavit, adeo: ut exinde Sancta Elisabeth congratularetur Ei: *Beata quæ credidisti, quia perficientur in Te, quæ dicta sunt Tibi à Domino.* Ad Exemplum & imitationem Virginis Animæ devotæ ut Deo placeant debent esse fide fortes, quia sine fide impossibile est placere Deo; debent etiam per fidem Jesum concipere, & in montana perfectionis ascendere, ut possint aliquid boni in domo Zachariæ, idest in Ecclesia vel religione facere: Beatam verò Elisabeth salutare, est participes Sanctorum bonorum operum esse. Nulla ergò Persona potest recipi in Ordine isto, nisi fidelis, & Catholica, de nulla hæresi suspecta, nec ab Ecclesia Romana excommunicata; nam quomodo fieri posset? quod aliqua reciperetur persona in Ordine isto, qui totus dedicatus est ad placendum Deo, nisi fidelis esset, & orthodoxa. Ad habendam perfectius hanc fidei Virtutem, summè caveant, nè se immiscent quibusdam curiosis, vel scrupulosis phantasias de fide, sed simpliciter credant, sicut credit Sancta Mater Ecclesia. Teneantur autem Superiores petere à Domino Papa unum de Sanctæ Romanæ Ecclesiæ Cardinalibus, qui sit Protector hujus Ordinis, cui Personæ omnes obedientiam, & reverentiam profiteantur, subjectæque sint Sedi Apostolicæ, ac Ecclesiæ Romanæ, & quatenus stabiles in fide observent virtutes, & Beneplacita Virginis Mariæ.

C A P U T V.

*De Virtute Devotionis quinto loco in Evangelio commemoratae,
quam debetis habere, & secundum illam tripliciter.
Virginem imitari.*

MARIA Virgo Devotissima semper fuit, &, ut Deo placeret ex sua devotione, quæ sequuntur, cogitavit, dixit, & fecit. Nam Deum attentissimè, & lætanter laudavit dicens: *Magnificat Anima mea Dominum:* Singulis annis in Jerusalem ascendit, Filium sequendo, Eius sermones devotissimè audivit, tæpè in Nazaret rediit, ac demum etiam cum Apostolis in Ora-

(XVIII)

tione perseveravit. Ad Exemplum, & Imitationem Virginis debent Animæ devotæ, ut Christo placeant, super omnia addiscere artem, & scientiam Deum laudandi, & orandi. Officium Divinum dicant secundum Ordinarium Romanum, & singulis diebus faciant specialem commemorationem de Beata Virgine Maria. Ubi verò domicila sunt fundata sub Titulis de Annuntiatione, Conceptione, aut SS. Eucharista, sive S. Mariæ de Pietate, aut S. Mariæ de Doloribus, aut de Consolatione, vel S. Mariæ de Virtutibus, & hujusmodi; Officium dicant in die, & per Octavam, atque quotidiam habeant Commemorationem extra Officium de hujusmodi Titulari. Personæ verò, quæ Officio Horarum Canonicarum non sunt adstrictæ, dicant Coronam B. Mariæ Virginis, quæ continet septuaginta duo *Ave Maria*, & septem *Pater Noster*. Præterea omnes hujus Ordinis Personæ debent semel in die dicere in honorem Decem Virtutum Deiparæ decem *Ave Maria* præmittendo unum *Pater noster* pro Papa & felici statu Ecclesiæ. Viterius omnibus & singulis illis Devotionibus tam vocalibus quam mentalibus jugiter vacabunt, quæ commendatæ, aut impositæ fuit Personis utriusque sexus tamen tertii Ordinis, quam Confraternitatis, hujus Sacri Sodalitii. Et quandocunque audiunt horas diei vel noctis, dicant unum *Ave Maria* ad laudem Virginis, & ut intercedat apud Filium pro pace Ecclesiæ Sanctæ Catholicæ. Deinde, recitent semel in die quinque *Pater noster* cum totidem *Ave Maria* in honorem quinque Piagarum Christi, & quinque Dolorum præcipuorum Virginis Mariæ. Præterea, quando audiunt pulsari campanas pro Missa celebranda, dicant unum *Ave Maria* pro Sacerdote celebraturo, & pro populo Missam audituro, audiantque vel celebrent, si fuerint Presbyteri, Missam qualibet die, & nunquam in Ecclesia loquantur, nisi orationis verba. Et Personæ, quæ in Presbyteratu non fuerint, communicent ordinarie de quindena in quindenam, & in diebus Domini Sabbaoth, & Mariæ Virginis; In Cœna Domini, Dominica Adventus, & Quadragesimæ, in Festo Omnium Sanctorum, & in festo SS. Apostolorum. Et hujus Ordinis Prælati per Sedem Apostolicam debent dirigere fratres profitentes Regulam Beatæ Mariæ Virginis. Omnes præterea ascendant in Jerusalēm mentali & non solùm vocali orationi vacando, & fatigant Superiores, ut sub ista Regula Domino famulantes sermones habeant præcipue in Adventu & Quadragesima, & singulis majoribus Totius anni festivitatibus, quos omnes attente ac devote audiant, quia Anima, quæ ex Deo est, verba Dei audit. In Nazareth redire, est in Cellam vel Ecclesiam, completis officiis, mox regredi, ut tempus inutiliter non expendant, & meritum non perdant, quod acquisiverant. Perseverare verò in Oratione, est Ecclesiam, & Officia Divina frequenta.

tare . Ad habendam ergò perfectius hanc Orationis Virtutem ; ament animæ devoutæ super omnia cultum dignissimi Sacramenti Eucharistiae . Sint Superiores vigiles , ut verbo , & exemplo doceant id primum quærere ; & quando possibile erit , per totas Octavas fiat jugis laus tanti Sacramenti ; præcipua enim Devotio Virginis fuit ad Missam , sive ad dignissimum Sacramentum Altaris .

C A P U T . VI.

*De Virtute Obedientiæ Virginis sexto loco in Evangelio
commemoratae , quam debet habere , & secundum
illam tripliciter Virginem imitari .*

MARIA Virgo obedientissima semper fuit , tam ad Deum , quam ad homines propter Deum , unde ex sua Obedientia ut Deo placeret , quæ sequuntur , cogitavit , dixit , & fecit . Nam ex Obedientia Deum concepit ; Et , cum impleti essent dies purgationis , Filium suum in templo præsentavit par turtrum aut columbarum ibi offerendo ; Cæsari obedivit in Betlehemeundo , & ibidem se subiectam Imperatori profitendo . Ad exemplum & imitationem Virginis Animæ devoutæ ut Christo placeant , obedire debent Deo decem ejus præcepta implendo ; Tortures offerre confessionem de suis peccatis faciendo ; similiiter & Columbas , Deum toto corde diligendo , eique post diem completum , antequam cubitum se conferant , opera sua præsentare , rationem de illis reddendo . Debent itaque propter Deum obedire suis Prælatis , cogitando : quod Virgo , quæ ex obedientia conceperat , etiam persistens in Obedientia hominis scilicet Augusti Cæsaris Dominum peperit ; nam sine obedientia non potest Anima aliquod bonum concipere , nec bonum opus parere vel facere . Ad habendam autem perfectius Obedientiæ virtutem , debent per Electionem Capituli unum habere Caput , & illi firmiter obedire . Et quia hujusmodi Caput locum tenet Virginis , expedit , ut sit vas Electionis , virtutis , & totius perfectionis . Circa alias verò Superioratus locales , & Electiones Officialium Communitatum particulares , habeant , & obseruent suas proprias Constitutiones . Omnes item pariter recordentur , quod propter Deum , quando ad hunc Ordinem venerunt , voluntates proprias abnegaverunt , & quod sacrilegæ sunt hujusmodi Personæ , quando proprias voluntates & affectiones resumunt . Nulla earum emittat votum Professionis ante ætatis suæ Annum sextumdecimum expletum , nec recipiatur ante quartumdecimum , aut post quadragesimum , nisi receptio causam urgentissimam haberet . Cum autem faciunt Professionem , dicant : *In Nomine Sanctissimæ Trinitatis Patris , & Filii , & Spiritus*

ritus Sancti, Dignissimaque Dei Matris Virginis Mariae, Ego N.N. promitto, & voveo Deo, ac Virgini Mariae, & omnibus Sanctis, & Tibi N.N. (exprimatur Titulus Superioris, in cuius manu fit Professio:) toto tempore vitae meae observare Regulam Decem beneplacitorum Beate Marie Virginis, vivendo in Castitate, & Obedientia, atque Paupertate sancta, conformando mores ad ipsam Regulam eo obligationis genere. quo in ea, & per eam adstringuntur, & obligantur illius Professores. = Recipiens autem Professionem dicat: Si haec observaveris, promitto tibi, quod Dominum Jesum Remuneratorem habebis in cælis. = Et omnes Assistentes respondeant alta voce: Amen.

C A P U T . VII.

*De Virtute Paupertatis Virginis septimo loco in Evangelio
commemoratae, quam debetis habere, & secundum
illam tripliciter Virginem imitari.*

MARIA Virgo pauperrima semper pauperrimè vixit, & ex paupertate ut Deo placeret, quæ sequuntur, cogitavit, dixit, & fecit. Nam hospitata fuit in loco pauperculo, quia non erat locus ei in diversorio; Jesum reclinavit in præsepio, pannis vilibus involvit, ubere suo pavit carens quovis alio pro Filio suo alimento. Ad exemplum & imitationem Virginis debent animæ devotæ hanc evangelicam margaritam paupertatis amare, & observare, sine qua ruunt ferè omnia perfectionis fundamenta. Nec facilè haec duo simul intra claustra reperiuntur, scilicet divitiæ, & devotio; ac proinde Personæ hanc Regulam profitentes, tanquam peregrinæ morentur in sui Ordinis domiciliis, quorum ædificia sine curiositate, & sumptuositate construantur. Jesum enim reclinant in præsepio, quando amant cellas, & cubicula vilia, involvunt pannis, quando rudibus & grossis induuntur, lacte nutriunt Virginali, quando in cordibus suis turpes cogitationes non recipiunt. Ad habendam perfectiùs hanc virtutem ut Christo placeant, debent omnia habere in communi, & nihil in proprio. Attendant etiam ad duo: primò ad Personas Novitias, ut nullo pacto recipientur cum labore Simoniæ; secundò ad Possessiones & redditus, ut scilicet non emant, aut recipient, vel querant superfluos nec petant libros, aut alia pro vestimentis aut curiosis operibus, sed studeant tūm propter otium vitandum tūm ut labores manuum suarum manducent, tūm ut sequantur Virginem, quæ suis manibus laborabat. Ac proinde imitentur etiam consuetudines laudabiles aliorum Ordinum in spiritualibus ac corporalibus laboribus. Demam etiam omnes potius debent custodire res Communitatis quam, quæ sunt concessæ uni Personæ particulari. Provideatur vero singulis de omnibus secundum professam paupertatem neces-

(XXI.)

necessariis , & maximè Infirmis , prout unicuique opus fuerit ; congruo itaque tempore provisiones fiant præcipue illarum rerum , quæ alio tempore minimè inveniri possunt . Caveat autem superior , ne , dum plus uni faveat , alios offendat .

C A P U T . VIII.

*De Virtute Patientie Virginis octavo loco in Evangelio
commemoratae , quam debetis habere , & secundum
illam tripliciter Virginem imitari .*

MARIA Virgo patientissima semper fuit , & ex patientia sua ut Deo placeret , quæ sequuntur , cogitavit , dixit , & fecit . Nam sustinuit patienter Herodianam , Judaicamque persecutionem ; Filium triduo mæsta quæslivit , & invento filio læta quadam , & Materna voce dixit : *Fili , quid fecisti nobis sic ? Ego , & Pater tuus dolentes quærebamus Te .* Ad exemplum & imitationem Virginis Animæ devoutæ , ut Christo placeant , desiderare debent pro nomine sui Sponsi aliquid sustinere , & quamlibet Crucem patienter tolerare ; imò debent gaudere , si quando persecutiones patiuntur injustas , quia dixit Dominus Jesus : *In patientia vestra possidebitis Animas vestras ;* & Apostolus ait : *Si compatimur , & conregnabimus .* Animæ ergo , quæ tolerant mala in hoc mundo propter Christum , honorem recipient in Cælo a Christo . Ad habendam perfectius hanc virtutem patientiæ , debent consolari Animæ devoutæ , si quando Deus illeas non tam citò exaudit , aut si ab eis non statim invenitur , sed perseverare debent in patientia Jesum quærendo per triduum scilicet per Contritionem , Confessionem , & satisfaktionem ; ac demum debent piè conquerendo familiares collocutiones & quæstiones facere Christo , sicut Sponsæ solent facere Sponso ; multæ etenim Personæ sunt , quæ Jesum non inveniunt , quia illum per triduum non quærunt , sed tantum per biduum ; non enim faciunt Confessionem bonam & validam , quia aliqua peccata celant , & tacent . Advertant igitur , quod nihil sic facit Animam peculiarem amicam Jesu , sicut propter Jesum lætanter injurias pati .

C A P U T . IX.

*De Virtute Pietatis five Charitatis Virginis nono loco in Evangelio
commemoratae , quam debetis habere , & secundum
illam tripliciter Virginem imitari .*

MARIA Virgo amore ardentissima & pietatis atque misericordiæ plenissima semper fuit , & ex sua charitate ut Deo placere , quæ sequuntur , cogitavit , dixit , & fecit . Nam Filium

Ijum lacte proprio nutritivit ; ipsumque ab Herodis persecutione subtraxit in Agyptum transferendo ; de suo proximo sollicita fuit , vinum in Cana Galileæ postulando ; ac demum salutari doctrina instruxit , Ministros monendo & illuminando . Ad exemplum & imitationem Virginis , ut Animæ devote Christo placeant , debent Jesum lacte nutrire sanctis scilicet affectionibus nullum præter Christum amando , & cum nullo nisi cum Jesu familiaritatè quærendo ; præterea Christum deferant in Agyptum , scilicet in suis temptationibus de morte , quæ per Agyptum significatur , cogitando ; Vinum verò & doctrinam proximo subministrabunt , dum opera misericordiæ corporalia , & spiritualia exercebunt . Cum enim hujus Ordinis personæ sint , & dicantur speciales , & peculiares imitatrices Virginis Mariæ , debent igitur cum Virgine misericordia plenissima , & ipsæ misericordia esse plenæ . Vincat hic Ordo cæteros in humilitate , pietate , & puritate , quia Virgo gloria has tres Virtutes peculiares inter cæteras dilexit . Ad habendam perfectiū hanc virtutem pietatis cogitent , quod domicilium , in quo se non amant domiciliarij , est domicilium diaboli , in quo Christus non est , quia factus est in pace locus ejus ; & quod , fine amore quidquid faciunt , amittunt , & perdunt . Faciant igitur inter se quotidianum sermonem pacis juxta devotionem Virginis , ut scilicet pacem semper inter se pcnant , atque conservent contententes reconciliando , omnes excusando , & pro pace semper adyocatos agendo ; facile etiam dimittant aliis offensas , si volunt , ut Deus illis suas dimittat ; nec aliena videant , sed sua semper ante oculos peccata ponant , quia hæc est veræ charitatis , & humilitatis conditio . Quapropter persona in superioritate constituta , sollicita sit , nec ejus oculi capiant requiem , nisi prius reconciliaverit personas inter se litigantes vel odio se prosequentes , aut aliis detrahentes , vel de ipsis male loquentes , multos enim perdidit lingua malloqua . Denique erga infirmos eō major , & amplior fiat commiseratio ; quibus Personæ sanæ serviant ita , sicut vellent sibi rationabiliter fieri , & serviri , si ipsæ infirmæ essent , atque perpendant , quod Virtutes sorores sint , atque adeò expellere non debent a domicilio sororem , charitatem .

C A P U T X.

*De Virtute Doloris , sive Compassionis decimo loco in Evangelio
commemoratae , quam debetis habere , & secundum
illam tripliciter Virginem imitari .*

MARIA Virgo dolorissima , & mortis Filii compassiones plenissima semper fuit , & ut Deo placeret ex compassionē Filii , quæ sequuntur , cogitavit , dixit , & fecit . Nam
ver-

(XXIII.)

verba Simeonis : *Tuam ipfius Animam pertransfabit gladius , sæpè animo revolvit , juxta Crucem Filii morientis stetit , vulnera ejusdem sæpè consideravit , & loca Passionis continuò visitavit . Ad exemplum & imitationem Virginis , ut Animæ devotæ Christo placeant , debent in corde suo jugiter ferre fasciculum myrræ ; ideo namque hæc crucis Virtus decima , ultima , & finalis est , quia in ea , quamdiu in hac valle miseriæ vivitur , Animarum nostrarum consistit perfectio . Ad habendam igitur hanc gratiam Crucis , seu Compassionis crucifixo , & Virginis Matri Ejus , cogitent : quod hæc gratia non invenitur in terra suaviter viventium . Unde anima , quæ optat pervenire ad hanc Virtutem , necesse est , ut abstinerent , & sobrie vivat , & in solo Sponso suo consolationem quærat ; atque ut etiam investimentis mors Sponsi sui reluceat , corpus suum mortificet , i' ludque durò & vili tegumento tegat , Vnde , quoad abstinentiam : Personæ hujus Ordinis , ultra vigilias consuetas , quatuor Tempora , & Ecclesiæ Quadragesimam , jejunare debent toto tempore vitae suæ singulis Feriis sextis & Sabbathis ; nam & Virgo illis duobus diebus fuit in luctu , & dolore maximo ; ubi tamen aliquæ , habita prius licentia , vellent jejunare in Adyentu , benedictæ sint Christo Domino , & a Virgine Mater Ejus . Quoad Habitum verò hic servetur modus : scilicet , ut induantur modo , & forma , qua fuerunt Jesus & Mater Ejus induti , & quatenus Animæ devotæ sint actu & habitu conformes Sponso suo Christo , & Virginis Matri Ejus , necesse est , ut tam Mater , quam Filius reluceant in earum vestibus , scilicet : albo colore in habitibus , & rubeo in ligaminibus Scapularis Immaculatae Conceptionis , cui , intus delato , infixa erit imago Deiparæ ornata cœruleo colore , portabunt ulterius & palam pendentes penes cingulum decem precarios globulos nigros , sive decem Ave Maria in memoriam decem Virtutum ejusdem purissimæ Virginis . Cæterum , ut Christo , & ejus Sanctissimæ Matri Virgini serviant cum gaudio & pace , atque conscientiæ securitate , omni amoto scrupulo & inquietudinis nubilo sciant Personæ hujus Regulæ secundum formulam præmissam Professionem emittentes , se non esse obligatas obligatione mortalis culpæ , nisi ad tria Vota ; si autem Vota tantum simplicia emiserint cum juramento de perseverando , hoc etiam juramentum tenebuntur observare . Ad cætera autem Virginis Opera non tenentur nisi obligatione pœnæ vel disciplinæ , Nunc igitur , postquam omnes modos Evangelicos exposuimus , in quibus debet Virgo Maria sine labe concepta elucidari , & imitari , finem Regulæ hujus in Perseverantia constituimus , nam & in Sacra Scriptura ultimo dictum est : quod , erant omnes perseverantes in oratione cum Maria Mater Iesu : persevererent ergo Personæ devotæ hujus Ordinis in observantia suæ Regulæ , quia , quæ perseveraverint usque in finem , hæ salvæ erunt .*

S T A T U T A
C O N G R E G A T I O N I S
S O B T I T U L O
IMMACULATÆ CONCEPTIONIS
BEATÆ VIRGINIS MARIÆ
Clericorum Regularium Marianorum
Defunctis, & Parochis in Cura Animarum
Suffragantium
Authoritate Apostolica fel. rec. INNOCENTII PP. XIII.
Approbata, & Confirmata.



R O M Æ MDCCLXXVIII.

Ex Typographia Reverendæ Cameræ Apostolicæ.
P R E S I D U M F A C U L T A T E .

Quæcumque sunt vera ; quæcumque pudicæ ; quæcumque iusta , quæcumque
sancta , quæcumque amabilia , quæcumque bona fama , si qua virtus , si qua laus
disciplinæ , hæc cogitate . . . hæc agite , & Deus pacis erit vobiscum .

Apost. ad Philippenses cap. 4.



CONFIDENCE IN GOD



Venerabilis Pater Stanislaus à Iesu-Maria Pasciński
Clericorum Marianorum, animabus intercessori
suffragantium Ordinis Immaculatae Virgini
MARIAE Congregationis Polono-Marianae immo
Prepositus Generalis ac Institutio
nator obiit A.D. Dni 1701. Aetatis
sue 70.
Cujus Petitionis causa agit Roma



figres Vener: Scrivi Dei Patris Casimiri Neri
Clericorum Marianorum, animabus in Pa-
gatio suffragantius, Ord: Im: Concep: Br: Virg:
MARIAE Congregationis Polono-Marianae
Excep: Generalis qui Ordine Marianum
in Portugallia introduxit ibi: in Con-
ventu de Balsamao p: occubuit A: D: 1765 Etatis sue 51

Ejus Beatificationis ex Canonizationis agitur Roma Causa
J.C. Winkler fec: Vien

APPROBATIONES

*J. Raymundus Novwicki S. T. L. Congreg. Clericorum
Regularium Marianorum Prepositus,
ac Visitator Generalis.*

CUM necessitas postulet, ut de Exemplaribus Regulæ Imitationis Decem Beneplacitorum B. Mariæ Virginis & Statutorum Congregationis Nostræ Marianæ singulis Conventibus provideatur, ea propter Admodum Reverendo P. W. Candido Spourny Procuratori Generali vigore præsentium facultatem concedimus; Ejusque curæ committimus ut tam ipsam Regulam quam prædicta Statuta servatis servandis typis mandare possit. Datum in Conventu Nostro Mariampolensi die 19. Junii 1776.

*J. Raymundi Novwicki
Prepositus Generalis.*

Mandatis obsequuturus Rmni P. Thomæ Augustini Ricchinii Sacri Palatii Apostolici Magistri attente legi tum *Regulam Imitationis Decem Beneplacitorum, seu Decem Virtutum Beatae Virginis Mariae &c.* cum etiam *Statuta Congregationis sub Titulo Immaculatae Conceptionis B. V. M. &c.*, nihilque in his inveni quod aut cum Catholica Fide, aut cum bonis moribus apprime non consentiat. Quare nihil obstare censeo, quo minus, si iis, ad quos spectat, videbitur, publici juris fiant.

In quorum fidem &c.

Ex Collegio Calafancio Schol. Piar. die 21. Junii 1778.

*Angelus Maria Feltre ex Scholis Piis
Congreg. SS Rituum Consultor.*

Perlustrans attente ex Commissione Rmni P. Thomæ Augustini Ricchini S. P. A. Magistri sequentia Opuscula nimirum: *Regulam imitationis Decem Beneplacitorum seu Decem Virtutum B. Virginis Mariae: & Statuta Congregat. sub Titulo Immaculatae Conceptionis B. M. V. &c.* nihil mihi datum est invenire quod aut Fidei Regulis aut Morum disciplinis sit contrarium: immo inveni omnia quæ sunt apta Beatae Virginis Mariæ devotionem imitationemque in Fidelium Cordibus promovere. Arbitror propterea Opuscula supradicta posse Typis publicis consignari:

Ex Monte S. Mariæ Novæ de Urbe die 26. Junii 1778.

*D. Benedictus Torre Olivetanus
S. R. Congr. Consultor.*

IMPRIMATUR,

Si videbitur Reverendissimo Patri Magistro Sacri Palatii
Apostolici.

F. A. Marcucci Episc. Montis Altii Vicesg.

IMPRIMATUR.

Fr. Thomas Augustinus Ricchinius Ordin. Prædic. Sacri
Palatii Apostolici Magister.

APPROBATIO ET CONFIRMATIO S T A T U T O R U M

Congregationis Clericorum Regularium
Marianorum Defunctis & Parochis
in Cura Animarum Suffragantium

INNOCENTIUS PP. XIII.

Ad perpetuam Rei memoriam.



N Supremo militantis Ecclesiæ folio per ineffabilem Divinæ Clementiæ Abundantiam constituti ea , quæ pro salubri Religiosorum Virorum sub suavi Christi jugo , Regularisque Disciplinæ Instituto Vota sua Deo reddere , uberesque Bonorum Operum fructus adspirante superni favoris aurâ proferre jugiter satagentium directione providè constituta , atque ordinata esse dicuntur , ut firma , atque inviolabilia persistant , Apostolici muniminis Nostri , cum id à Nobis petitur , præsidio libenter constabilius . Cùm itaque , sicut Dilectus filius Joachimus a S. Anna Procurator Generalis Clericorum Regularium Marianorum Congregationis sub Titulo Immaculatæ Conceptionis B.M. Virginis Nobis nuper exponi fecit nonnulla Statuta , Ordinationes & Decreta pro felici gubernio , exactaque Regularis Disciplinæ Observantia aliàs in Capitulis Generalibus ipsius Congregationis edita , ac tam Ordinaria facultate , quâm à moderpo seu pro tempore existente Nostro & Apostolice Sedis in Reino Poloniae Nuntio approbata fuerint , ipse verò Joachimus Procurator Generalis illa , quo firmius subfiant , & serventur exactius , etiam Apostolicæ Confirmationis Nostræ patrociniò communiri summopere desideret , Nos ipsius Joachimi Procuratoris Generalis votis hac in re , quantum cum Domino possimus , favorabiliter annuere volentes , eumque a quibusvis Excommunicationis , Suspensionis & Interdicti , aliisque Ecclesiasticis Sententiis , Censuris & poenis à jure vel ab homine quavis occasione vel causâ latis , si quibus quomodclibet innodatus existit , ad effectum præsentium duntaxat consequendum harum serie absolventes , & absolutum fore censentes , supplicationibus ejus nomine Nobis super hoc humiliter porrectis inclinati Statuta ,

(VI)

Ordinationes & Decreta præfata ; dummodo sint in usu , ac licita , & honesta , nec revocata , aut sub aliqua revocatione comprehensa existant , Sacrisque Canonibus & præsertim Concilii Tridentini Decretis , Constitutionibusque & Ordinationibus Apostolicis aut Regularibus primodicti Ordinis Institutis per Sedem Apostolicam confirmatis non aduersentur , Apostolica Authoritate tenore præsentium confirmamus , & approbamus , illisque inviolabilis Apostolicæ firmitatis robur adjicimus decernentes easdem præsentes Literas & Statuta , Ordinationes & Decreta hujusmodi semper firma , valida , & efficacia existere , & fore , suosque plenarios , & integros effectus sortiri & obtinere , ac illis , ad quos spectat & pro tempore quandocumque spectabit , in omnibus & per omnia plenissime suffragari , & ab eis respectivè inviolabiliter observari , sive in præmissis per quosunque Judices Ordinarios & Delegatos , etiam Causarum Palati Apostolici Auditores judicari , & definiri debere , ac irritum & innane , si secus super his a quoquam quavis Authoritate scienter vel ignoranter contigerit attentari , in contrarium facien , non obstantibus quibuscumque . Volumus autem , ut earumdem præsentium Literarum transumptis , seu exemplis etiam impressis manu alicujus Notarii publici subscriptis aut Personæ in Dignitate Ecclesiastica constitutæ munitis eadem prorsus fides adhibeat , quæ haberetur ipsis præsentibus , si forent exhibitæ vel ostensæ . Datum Romæ apud S. Mariam Majorem sub Annulo Piscatoris die tertia Septembris MDCCXXIII. Pontificatus Nostri Anno Tertio .

F. Cardinalis Oliverius.



STA-

S T A T U T A
**Congregationis sub Titulo Immaculatæ
 CONCEPTIONIS**
BEATÆ VIRGINIS MARIAE



UM nulla Communitas absque Legum præsidio subsistere queat, proinde pro Majori Regulari Observantia, Disciplina, Augmentoque Vestræ Religio- nis hæc nonnulla Statuta in Capitulis Vestris sancta præter Regulam Imitationis Decem Beneplacitorum seu de- cem Virtutum Beatæ Mariæ Virginis observanda, sunt ordinata.

C A P U T I.

De Fine, Admissione, & Educatione Novitiorum.

IMprimis finem Vocationis suæ quisque Vestrum quoti- die diligenter ac dévotè expendat, nempe *majus Incrementum Divinæ Gloriæ, Cultum & Venerationem Immaculatæ Conceptionis Elecfissimæ Dei Genitricis Virginis Mariæ specialiter promovere*, ac ejusdem Virtutes in Regula de- scriptas omni studio mediante Divina gratia imitari cum se- ria ad perfectionem tendentia, propriæ salutis & Proxi- morum cura, præcipue quoad erudiendam in Doctrina Christiana rudem plebem quilibet incumbat, ac maxime Ani- mabus Fidelium Defunctorum piacularibus pœnis addictis omni pietate & Orationum assiduitate suffragari conetur. Et quoniam à Tyronum susceptione & educatione totum Instituti Vestri Decus, stabilitas, & Sanctitas dependet, ideo quicunque Vestrum Institutum amplecti voluerint, sint benè noti aut dignè commendati, nullis Censuris, alioque Canonicō impedimento, aut litibus vel debitibz innodati, nullo gravi Corporis morbo vel Religionis alicujus deser- tione notati, Parentum, ni fortè opem eorum jure non exigant, consensum, & legitimi Ortus sui, Ordinumque si quos habent, status liberi ac probitatis vitæ, morumque honestorum secumferant Testimonia Authentica, alias non

*Juxta Regul.
c. 2., § 4.*

(VIII)

sunt admittendi, prout qui pertinaces, superbi, fastidiosi, & facti ingenii esse videntur, nullatenus recipiantur; juxta formam Concilii Tridentini, & Constitutiones SS. Pontificum, praesertim Sixti V. Clementis & Urbani VIII.

Juxta Decret.
Clemen. VIII.

II. Cautè & prudentur examinandi sunt de Spiritu Vocationis & motivo, de voluntate libera non coacta, quâ mente & fine hujus Regularis vitæ genus elegerint: an zelò melioris frugis ac perfectioris vite, ut scilicet Deo liberius famulari possint? an potius levitate vel humano aliquo affectu vel inordinato animo ducantur? & praesertim in Clericis bonæ indolis, facilis ingenii, & capacitatis ad studia, nec non etatis (quæ non sit minor sexdecim, nec major triginta sex, i.e. Coadjutoribus verò seu Conversis, alicujus artis mechanicæ & honestæ, vel ad eam discendam habilitatis, aliaque obsequia Conventus obeunda idoneis non sit minor viginti unius, neque major quadraginta annorum;) ratio attendatur; in omnibus autem & singulis propensionis ad bonum spirituale, & virtutes sectandas primario observetur diligentia & animus.

Juxta formam
SS. Patrum.

III. Quicunque idonei per examen reperti, & immunes ab impedimentis fuerint, ad Domum annua Probationis mittantur, ibique per aliquod tempus, prout Reverendissimo Patri Praeposito Generali, aut ejus Commissario videbitur, in proprio vestitu detineantur tanquam Hospites extra Claustram Novitiorum, quo tempore alicui Patri Spirituali vel ipsimet Magistro Novitiorum consignati cum nullo commercium habeant, sed soli secum, & cum Deo suam Vocationem, viresque proprias sedulo perpendant. Informentur serio & sincere de Instituto, & Regule B. V. Mariæ, atque in variis Humilitatis, Obedientiæ, aliarumque Virtutum Actibus probeantur, ut plenius agnoscerent possint futuræ vitae suæ statum, & ipsos Congregatio. Quod si hoc præcise Probationis tractu evidenter spiritus boni ac desiderii in perseverando dederint signa, Sive prior præmissa communis omnium Oratione, & solitouri ritu, & Cæremoniis consuetis publicè in Ecclesia vel Oratorio presentibus Religiosis regulari Vestro Hâbitu, prævia Confessione Generali propter Indulgentiam Plenariam consequendam, induantur. Actus vero hujus Admisionis cum nomine & cognomine cuiuslibet admissi atque Parentum, ejusque Patriæ & Diœcesis Die, Mense, & Anno in Libro ad id parato adnotetur cum subscriptione manus propriæ & duorum aliorum Patrum, in altero vero Libro res & vestimenta, si quæ secum ex sæculo portarunt, manus sua descripta fideliter & integrè custodienda usque ad Professionem asserventur. Noverint autem dicti Admissi, quio ad primum Habitum & alia pro tempore Novitiatu necessaria debere eos sibi procurare.

IV. In

IV. In Educatione Tyronum Apostolicæ Constitutio-
nes & præcipuè Decreta sel. rec. Clementis PP. VIII. de
reform. Regul. & Sixti V. ritè observentur ; Ac proinde
Magister Novitiorum sit matus annorum circiter triginta
sex , Sacerdos , & decennio saltē professus , Socius ve-
ro triginta minus excedat ; Ambo sint doctrina , prudentia ,
communis vitæ & religiosæ disciplinæ observantia , alia-
rumque Virtutum præstantia ornati ; Habeatque Magister
Novitiorum plenam & absolutam potestatem circa Novitio-
rum educationem ac Novitiatus regimen , ita , ut in illos
nemini , exceptis Superioribus Majoribus , quovis colore
vel causa sese ingerere liceat . Ordinariè Novitii suo Magis-
tro confiteantur , et si possint etiam aliquando ex seniori-
bus Patribus à Rmō Præposito Generali designatis pro libi-
tu confiteri , plenariamque solutionem obtinere .

*Juxta Decret.
Clem., & Urban.
VIII.*

V. Ad locum Novitiatus , qui segregatus à Professis
debet esse , nemini aditus pateat , cujus clausuræ clavim.
Magister apud se teneat , & , si quando Superior Loci vo-
luerit necessaria aliqua Novitiis providere , tunc assumpto
aliquo ex Senioribus Patre (: Comite tamen Magistro , cu-
jus Authoritatem semper tueri studebit :) Cellas Novitio-
rum visitabit , munditiem , & necessaria observabit , ni-
hilque de ullo eorum disponet , quod prius non communi-
carit Magistro . Si quis autem alias ex Novitiis quem piam
alloqui voluerit , non aliter , nisi præsente aut consentien-
te Magistro alloquatur .

VI. Exerceantur *suaviter* Tyrônes in omni genere Vir-
tutum , maximè in abnegatione proprii judicij , ac volun-
tatis , amoris , honoris , aestimationis , & contemptu sæ-
culi , aliarumque passionum & concupiscentiarum ; humi-
lia ministeria honesta tamen eis imponantur , non tamen
fungantur officio publico Communitatis conversationi ex-
ternæ annexo . Novitii culpas suas libenter coram Magistro
dicant , Modum orandi non solum vocalis sed etiam mentalis
Orationis addiscant , Divinis Officiis diligenter affstant ,
Missarum Sacrificiis inserviant , Doctrinam Christianam
memoriter discant , in observantia Regulæ Beatæ Mariæ
Virginis & Statutorum sincere instruantur , ut possint agno-
scere Divinæ Vocationis , qna digni facti sunt præstantiam ,
& excellentiam , votorumque solemnium obligatiōnem , ac
nullo magis occupentur , quam lectione spirituali , talesque
apud se præsertim retineant libros , ex quorum diligentia
continuo lectione firmius in sua Vocatione stabiliantur .
Quodque de educatione Clericorum hic dictum est , idem sen-
tiendum de Conversorum seu Coadjutorum instructione , qui
non solum corporalibus vacabunt laboribus & ministeriis

*Juxta reform.
Clem. VIII.*

Conventus , sed etiam spiritualibus exercitiis & meditacionibus operam dabunt , ac æque de præstantia Votorum solemnium , Regulæ Beatæ Mariæ Virginis & Statutorum obligatione informabuntur ; Sciantque , quod ad Conversorum seu Coadjutorum statum recepti non possint transire ad statum Clericorum ,

VII. Quater in anno invocato Spiritu Sancto fiant de unoquoque Novitio per Patres voces habentes scrutinia in Libro seorsivo notanda , ex quibus judicetur approbandus , vel reprobandus perhibente Magistro pro veritatis conscientia de defectibus aut profectu Novitiorum suorum sinceram relationem . Quod si quis objistas & rationabiles Causas medietatem votorum favorabilem in scrutinio non habuerit , reprobatus intelligatur , statimque a consortio Novitiorum , communisque Dormitorio segregatus placide & cum solatio ad sæculum absque molestia dimittatur celeris omnibus , quantum fieri poterit ; Ejus defectibus . Qui verò in ultimo scrutinio vota favorabilia nactus fuerit , priusquam admittatur ad Professionem , interrogabitur capitulariter de dispositione hæreditatis suæ & rerum sæculi , juxta Decreta Concilii Tridentini , liberè facienda item de voluntate constanti perpetuò perseverandi juxta obligationem votorum solemnium , absque omni privato respectu . Quibus exploratis , & in contrarium non obstantibus , prævia Recollectione Spirituali . & Confessione Generali , publicè in Ecclesia vel Oratorio more solito emittagit in manibus Rñi Præpositi Generalis vel Ejus Delegati solemnem Professionem in forma consueta in Regula descripta , cuius Professionis Copiam in Libro ad id parato : Ipsemet per se , vel , si nescit scribere , per alium , subscribat tam Neo-Professus quam Suscipiens præsentibus aliis duobus Testibus Sæcularibus , & Presbyteris Dignioribus Patribus .

VIII. Facta Professione , ut magis in eodem Spiritu & Regulari Observantia stabantur , & confirmantur , in eadem vel alia Domo a conversatione Sæcularium alieni saltus per triennium sub directione Patris Spiritualis humilibus Exercitiis , & præsertim necessariis Studiis applicentur , nec ad Sacros Ordines , nisi aliter Rñmo Præposito Generali visum fuerit , hoc tempore promoveantur .

Fuxta Decret.
Clem. , & Urb.
VIII.

Ad hanc ceterasq[ue]do i[n]clusas i[n]traea Lib[ri] XIIII. & tripli
annuntiacionis C A P I T U L I I I . & deinde
ad hanc ceterasq[ue]do i[n]clusas i[n]traea Lib[ri] XIIII. & tripli
De Obedientia Religiosa , Paupertate , & Castitate .

I. CUM Obedientia magis Deo placeat , quam victimam
& gratissimum illi sit holocaustum propriæ volun-
tatis abnegatio , sitque ea virtus excellentissima , in qua rea-
ligiosus fundatur Status , & regularis manutenetur obser-
vantia ; proinde omnes cum ingenua promptitudine humili-
liter , perfectè , ac perseveranter obedient suis Superiorib[us] ,
eorumque Locumtenentibus tanquam Christi Vicar-
iis , voces illorū & mandata quasi ipfius Domini Nostri ,
& Sanctissimæ Matri ejus devotè figurantes , memores il-
lius moniti S. Pauli , quod *omnis potestas fit a Deo* ; & qui
illi resistunt , *Dei ordinationi resistunt* ; Unde caveant mur-
mura & querelas contra Superiorum dispositiones excitare ,
eademque impugnare , cum teneantur parere pro merito
suo & vitæ æternæ etiam discolis juxta illud *Divi Petri* ;
Obedite Præpositis vestris etiam discolis .

II. Non solum Superioribus Majoribus , eorumque Or-
dinationibus scripto aut voce expressis , sed etiam aliis qui
busvis Officialibus promptè , ac humiliiter obedient . Com-
munis itaque sit omnibus regula , Majorum ordinatio , a
cujus motu omnia procedant , nullumque negotium , aut
curam ex proprio arbitrio suscipiant , vel se offerant , nisi
id prius Superioribus communicent . Caveant autem Su-
periores , ne indiscretè imperent , quia alias inopprobrium
redderetur eorum imperium , & benè perpendant : *quid* ,
& *qua de causa* , vel *cui* imperant , ne indestructionem hu-
jusmodi Sanctissimam virtutem vertant . Audiant libenter
Subditorum rationes , & , si rectæ , justæque videbuntur ,
eis acquiescant , studeantque semper cum iis in omnibus
paternum exercere affectuni , nec agant ut Dominatores ,
sed juxta illud S. Philippi Nerii monitum se gerant : *impe-
rantes parum* , *ut subdit[us] faciant multum* ; nec vi utantur
in eorum naturis frangendis , sed quandocunque sese iis
accomoden , sintque *discreti* , & prudentia benè instructi ,
quia magis trahunt sibi subditos charitatis vinculo quam
formidinis .

III. Nullum jus aliquis vestrum habere presumat Supe-
riores suos ad extranea subsellia sive Consistoria levocandi ,
sed si quid controversiarum aut defectuum acciderit , id in-
tra domesticos lares ordinario modo pacifice in charitate ,
& justè componatur , ac corrigatur ; Quod si quis refræ-
garius inter vos repertus fuerit , aut aliorum Concitator

iniquus , vel aliquid novitatis regulari observantiae nocivum introducens , puniatur ; si vero resipiscere noluerit , de consensu omnium capitulariter praestito , de gremio vestro tanquam hostis Congregationis , membrum putridum , ac pestiferum amoveatur . Si quis autem vere gravatus ab aliquo Superiore fuerit , id aut patientissime pro merito vitae eternae ferat , aut modestè eidem , quo prematur , per se vel per alium aperiat , quatenus is debito moderamine utatur ; at , si mederi nolit , ad Reverendissimum Praepositum Generalem recurrat , qui pro sua prudenter intra Congregationem res componat , & in Dominino remedium afferat ,

IV. Quocunque oportuerit Religiosos aut quempiam illorum extra Conventum exire , semper teneantur a Superiore pro tempore existente vel ab alio in ejus locum subrogato licentiam humiliter petere , nec unquam aliter exeant , nisi ex causa a Superiore cognita justa vel honesta , Adyentantes etiam ad quoscunque Conventus proprios teneantur Superioribus Localibus Literas Patentales , quas secum ferant , ostendere , non solum si ex privato , verum etiam si ex ipsius Conventus negotio sive ad breve , sive ad longum tempus eos abesse contigerit .

V. Paupertatis Vestrae in hoc essentia consistat , ut nullus quidquam absque Superiorum consensu privatim habere , nec aliquid proprium audeat appellare ; Quæ autem illis fuerint ad usum concessa , nitide , integrè , & quantum fieri potest , diuturnè conservent . Proventus omnes ad communem usum pertineant sive sint ex Eleemosynis , sive aliunde collecti ; quorum colligendorum , servandorum , & dispensandorum ratio prorsus ea , quæ Pontificiis Decretis continetur , sub paenitibet ibidem contentis inviolabiliter observetur .

VI. Quidquid Religiosi sua propria Industria vel labore , aut quocunque nomine & causa , etiamsi subsidia Consanguineorum vel piorum largitiones adepti fuerint , seu intuitu cujuscunque Causæ vel Personæ eis donetur , totum id in commune reponent , ut inde a Superiore , cum opus fuerit , æqua portio cuilibet tribuatur ; Omnia illis sint communia : *Massa & Mensa* . Ac proinde nullus Religiosorum audeat apud se in cubiculo aliquem potum pro suo libitu , & superflua commoditate , vel ad tractandos Hospites sine Superioris consensu retinere .

VII. Ad protestandum erga Immaculatæ Conceptionis Deiparæ Virginis internum candorem , indumenta vestra sint simplicis panni , albique coloris , in quibus mundities Religiosa procuretur , sordida enim paupertas nemini placere

(XIII.)

cere debet, qualitas panni, & uniformitas ab omnibus servetur. Possunt etiam, si quando necesse fit, in itinere uti super Habitum Regularem veste pluviali alterius coloris: Cavendum ergo omnibus, ne in aliquo loco Domus sine præscripto habitu regulari, maximè in præsentia Hospitalium fe videndos præbeant, secus si acciderit, Superiores id ferio redarguant. Tonsuram etiam Clericalem uniformem omnes adhibeant, neque barbam, neque caput nutriendo:

*Iuxta reform.
Clem. & Urb.
VIII.*

VIII. Ut igitur omnes & singuli unius moris sint in Domo, & tam in viatu, quam etiam in conformi convenienti amictu, Superiores Locales de omnibus necessariis præfertim Clericis secundum eorum statum & professam Paupertatem tempestivè singulis providere tenebuntur: &, ut modum taliter providendi habeant, nemo sibi quidquam sine licentia Superioris appropriet. Quod si aliquis privata authoritate ex suo arbitrio pro commoditate sensuali quidpiam comparaverit, totum id a Visitatore recipiatur, & Communilitati applicetur. Atque ad e Proprietarii, & Votorum violatores secundum Sanctiones Canonicas puniantur:

Iuxta Regul.c.7.

IX. Quoniam Obedientia Castitatem custodit, & Paupertas nutrit ideo studiosus puritatis animus in illis sedulè se exerceat; Atque ad hanc Angelicam Virtutem possidentiam & conservandam plurimum quemque juvare poterit oculorum modestia, animique frequentissima ad Deum elevatio, fuga otii, confabulationum, inutilis lectionis, periculose conversationis prudens declinatio, Cellæ amor, clausuræ æstimatio, Spiritus Sancti, Deiparæ Virginis, Angeli Custodis, Divi Josephi, & Sanctorum Virginum ardens invocatio.

Iuxta Regul.c.1.

X. Diligenter advertant Superiores, ne quemquam instantæ Virtutis discriminem præcipitent, aut in eo positum negligant, vel idè: quia sibi commissorum strictissimam Deo reddituri sunt rationem; Hinc omnia vel minima scandala abscondant, & quosque in hoc genere suspectos matura prius consideratione adhibita quantocutius corriganter amoveant, & aliò mittant; Benè tamen attendant, ne hac in re levibus suspicionibus moveantur.

XI. Caveant etiam Superiores ne ullum è Conventu (ubi numerosa familia extiterit): sine Socio dimittant, nec ipsi ardeant exire sine Comite; Nemo autem Socium petat eumdem semper ex nomine, sed eo sit contentus, quem illi Superior destinabit; Et quando ad locum missum pervenerint, nunquam ab invicem ita recedant, ut mutuo priventur aspectu, sed in præsentia loquatur quisque; In loquendo etiam, vel maxime cum mulieribus, lubricos & affabiles sermones, qui vanitatem sœculi & pravi affectus redolent, omnino devitent.

*Iuxta Dec.Clem.
VIII.*

XII. Clausura Conventus cum campanula ad januam pendente ubique servetur, quae semper clausa sit, & Religiosus vel alius honestus vir sacerdotalis, conversationis bonaे foveatur, Claves vespere ad Superiorem per eumdem Janitorem deferantur, mane sumantur. Nemo itaque nisi consueta janua Domum ingrediatur, vel inde egrediatur. Ad januam vero Conventus sit cubiculum particulare pro recipiendis Hospitibus aptum, ne per Cellas Religiosorum cum strepitu divagentur. Fæminæ tamen nullatenus Conventum ingrediantur, etsi paucissima sit Religiosorum Familia, sed in separato locutorio extra Clasuram præferunt Benefactricibus debitus exhiberi potest respectus.

C A P U T III. De Mortificatione. *Constitutio*

I. **A**d internam mortificationem passionum, & concupiscentiarum proprii judicii & voluntatis, sine qua vetus Adam nullo modo exui potest, plurimum conducet externa sui ipsius corporis mortificatio. Itaque omnes jejunia Ecclesiastica, Vigilias septem Festivitatum, B. Mariæ Virginis, & Sanctorum Apostolorum observabunt; Feriis quartis lacticiiniis vesci poterunt, Ferias autem sextas, & Sabatha totius Anni (excepta die Nativitatis Domini Nostri, si in iisdem inciderit:) in honorem Dolorum B. Mariæ Virginis juxta Regulam pariter jejunabunt; Cum itinerantibus tamen, Senibus, & Infirmis Superior dispensare poterit. Possunt etiam, qui voluerint, a festo Præsentationis B. Mariæ Virginis excepto die Immaculatæ Conceptionis ejusdem Dominæ nostræ usque ad Natalem Domini jejunare, sed a vitiis semper omnes abstinerere debebunt.

II. Cibus autem omnis ordinariè moderatus sit, qui famem arceat, non ventrem satiat, cuilibet sua portio æquè tribuatur, nec ullus singulare quidquam habeat, nisi ratio laboris, infirmitatis, aut majoris necessitatis charitas expostulet. Tempore aliquujus Festivitatis aut menstruæ Recreationis duo fercula supra consuetam portionem addi possunt pro discretione Superioris. Quamlibet vero refectiōnem condire debet lectio Spiritualis, & silentium (quod, quandoque, sed raro, per Superiorē a media mensa ex aliqua honesta causa dispensari poterit) semper servetur. Quod si quis a prima mensa justa de causa absuerit, ad secundam itarim accedat, & idem cibus, eademque portio & numerus ferculorum eidem apponatur. Extranei ad Refe-

*Iuxta Regul. a.
10.*

*Iuxta reforma.
Clem. & Urb.
VIII.*

ctorium rarissimè , nisi sint Benefactores , admittantur , ne solvatur silentium , sed in Cubiculo separato modestè , ac religiosè tractentur , cum quibus nullus præsumet comedere aut bibere , nisi de expressa licentia Superioris , foli enim Hospitum Exceptori cum illis breviter conversari licebit .

III. Finita refecione , & facta solita gratiarum actione ad Oratorium se conferre vel etiam in Refectorio tempore hyberno remanere poterunt partem Rosarij dicturi ; Quo finito adeant alium locum ad honestam Animi recreacionem , & utilem sermonem : Sermo enim religiosus debet esse ad ædificationem , de Deo & rebus Divinis , alienus a novellis mundanis & curiosis , quæ spiritum distrahabunt . Ut verò inutilem conversationem evitare possint , ament Cellam suam tanquam Cælum temporaneum , nec ex illa prodeant , aut quemquam admittant , quin prius pulset ostium sese insinuando : Ave Maria , nec ingrediatur , antequam audiat responderi sibi : Jesus , vel Ingredere . Quodsi necessitas , Charitas proximi , vel Obedientia jusserit prodire , studeant quantocius ad eam redire .

IV. Capitulum Culparum die Sabathi cum conferentia Spirituali per Superiorem Localem vel ejus locum tenetem in loco Capitulari semper habeatur . Communis etiam Disciplina pro Defunctis , & Benefactoribus fieri poterit Feria secunda , quarta , & sexta , exclusis diebus Nativitatis Domini , Paschatis , Pentecostes , Beatæ Mariæ Virginis , & quibusvis aliis festis solemnibus , nec non diebus Sacræ Communionis , durabitque per Psalmum Miserere , ac Deprofundis , & Salve Regina , cum Orationibus Deus qui culpa , Fidelium Deus , & Concede Misericors . Singulis item Feriis quintis in fine Mensæ Quæstiones Casisticæ per unum ex Patribus a Reverendissimo Præposito Generali destinatum in quolibet Conventu proponantur , & resolvantur a minimo usqne ad Superiorem ; propterea studium saltem Theologiae Moralis , ubi commodè fieri potest , ubique instituatur .

V. Omnes quamdiu corpore valent , tam in Spiritualibus quam in exterioribus rebus habeant , in quo occupentur , ne oīum malorum origo locum habeat , quia difficile caro & Dæmon hominem tentat , quem honestè occupatum invenit ; Itaque nemo toleretur , qui non in Disciplinis Scholasticis extradendis , aut iisdem condiscendis , vel sacris dicendis , Concionibus sive Domi , sive in Missionibus , vel saltem (ubi adest facultas) in erudienda juventute quoad prima Fidei & literarum principia , sese continuò exercitaverit : quisque demum pro virtutum suarum & artis ratio-

Juxta Regul. c. 3.

(XVI)

ratione his aut similibus exercitiis insistat absque Orationis ac Devotionis neçnon Corporis sanitatis detrimento.

C A P U T IV.

De Oratione.

*Iuxta Bullam
Leonis PP. X.
quæ incipit: Re-
gulam proficien-
tibus.*

I. **N** omnibus vestris Ecclesiis vel Conventibus Officium Divinum juxta Ritum Breviarii Romani distinet ac devotè , alternatim , voce unisona & moderata sine productione quotidie ab omnibus in communi persolvatur . Quod si , secundùm frigidas Regiones , in Ecclesia vel Ora- torio fieri non poterit , saltem in loco Capitulari tam Ma- tutinum , quam alias Diei Horas Manè simul omnes reci- tabunt ; Verum a Festo Inventionis Sanctæ Crucis usque ad Exaltationem ejusdem pridie post Completorium Matutinum cum Laudibus ordinarie persolvere tenebuntur :

*Juxta Regul.
c. 5.*

II. Singulis diebus post Recollectiones matutinas , & officium de Immaculata Virgine persolutum , Orationi men- tali saltem uno quadrante , vel media horâ manè , alterâ post meridiem devotè vacabunt , quæ demum finitâ faciant brevem reflexionem supra fructum ejus , atque deinde di- cant *Pater noster* , & *Ave Maria* pro iis , qui in peccato mortali existunt . Post horas autem Diei Litanias dicent de SS. Nominis Jesu , & in fine addent ter *Pater* , & *Ave* ad Providentiam Divinam pro indigentiis hujus Sacrae Reli- gionis ; sub tempus vero Conventualis Missæ , cui semper tam Clerici , quam Fratres Coadjutores de votè assistere de- bent , Litanias de Beatissima Virgine cum Antiphona : *Sub Tuum Præsidium* , quotidie decantabunt . Qualibet etiam die post Completorium Coronam *Decem BENEPLACITORUM* in honorem Immaculatæ Virginis recitabunt . Nemo ita- que ex loco Orationis sine legitima causa vel licentia Supe-rioris aut Ejus locum tenentis discedat , neque audeat quis- piam cum Hospitibus colloqui , aut conferentias facere . Orationis tempore vel alium evocare ab ea sine eadem li- centia Superioris . Si quis verò legitimè impeditus in Com- muni adesse non potest , privatim , quantum in Domino poterit , supplere non negligat , memorque sit : Dæmo- nem nihil magis conari , quam , ut homines ab Oratione avertat , sciens hanc esse unicam , per quam sua lucra ali- bi quæsita perdat .

III. Annuæ per octo dies Recollectiones in quolibet Conventu , ab aliis tempore Quadragesimæ præsertim ante Feriam Quintam Cœnæ Domini Hebdomadæ Sanctæ , ab aliis verò ante Festum Immaculatæ Conceptionis Dominae

No-

*Juxta Confit.
Cap. Gener.*

(XVII)

Noſtriæ, vel ab Omnibus ſimul persolvantur; & quoties Clerici mittuntur pro Presbyteratu ordinandi, per istiusmodi spiritualia exercitia ad primain Missam celebrandam disponantur. Quolibet etiam Annò in Festo Immaculatæ Conceptionis B. V. Mariæ fiat Renovatio Votorum ſolemniū in manibus Superiorum, Ipsi verò eam facient in manibus Dignoris præmissa debitæ per Sacra menta dispositio ne; & æque meritorum erit, si quotidie privatim, præcipue in SS. Missarum Sacrificiis, Altissimo Vota ſua renovabunt.

Juxta Confit. Gener.

IV. Quolibet Sabathò distribuuntur pro ſequenti Hebdomada per Superiorēm Loci Officia; videlicet, manè excitandi, pulſandi, mensæ inferviendi, legendi, alia que de more obsequia obeundi; necnon Ordo Missarum con gruo tempore ſuccellię dicendarum disponatur, & per lectorēm Mensæ prælegatur. Utque in omnibus Conventib⁹ uniformis Ordo manè ſurgendi, orandi, ſtudendi, prandendi, cœpandi, & quævis alia Divina Exercitia, persolvendi exacte obſeryetur, eique omnes facilius attuerant, conſcriptus in loco Capitulari habeatur; Hinc etiam horologium exacte ſonans pro temporis dimensione, & campana, quā detur ſignum pro omnibus communib⁹ exercitiis, ubique procuretur.

V. Post Cœnam ſolitā horā auditō ſigno silentii ad Oratorium vel ad aliū decentem locum congregabuntur pro peragendo Examīne Conſcientiæ, & dictis dēmum litaniis de Omnibus Sanctis cum suis Orationibus, mox SS. Altaris Sacramentum viſitabunt, ubi pro conſequenda Indulgentiā Stationis quinques Pater, & Ave cum totidem Gloria Patri, & ſextū pro S. Pontifice persolvent; indeque ad suas Cellas in ſilentio redeant, & ad quietem ſe componant in Salvificis Vulneribus Redemptoris Nostri placide obdormientes. Quapropter silentium ſtrictè in omni loco præcipue Communitati deſignato, atque eo ſtrictius de nocte ſeruetur. Quodſi neceſſitas exigat ſubinde quempiam alloqui, id quām breviflē fiat, ipſique etiam Officiales & Superiorēs eo tempore ſubinſta voce loquantur.

*Juxta Reg. c. 5.
& comm. privil.*

C A P U T . V.

De Saeramentorum Frequentatione.

I. **Q**uoniam omnes hujus Congregationis Marianæ tam Patres, quām Clerici, & Fratres participant de Privilegiis, & Indulgentiis per Summos Pon-

*Juxta Breve
f. r. Innocentii
PP. XII.*

Pontifices Professoribus Regulæ Decem Beneplacitorum. B. Mariæ Virginis concessis, ideo sciant de certo easdem omnes consequi posse Indulgentias, & alias quascunque gratias, quæ concessæ sunt Sanctorum Annuntiatibus præfatae æquæ Regulam B. Mariæ Virginis proficentibus, si in præscriptis Festivitatibus confessi, ac devotè communicati fuerint, eaque omnia egerint, quæ in Literis Pontificiis ad frequentiorem usum Sacramentorum, Pænitentiæ scilicet, & Sanctissimæ Communionis pro Omnibus etiam utriusque sexù Christifidelibus eorum Ecclesiæ visitantibus commendata sunt.

II. Singulis igitur Domiñis aut Festis celebribus tam Clerici quam Fratres Coadjutores præmissa Confessione Sacramentali, & pià meditatione ad Sacram Communio nem summà reverentia accedant. Quando verò Expositio nes Sanctissimi Sacramenti sient, current, ut quæ decen tissimè circa eas se gerant, semperque unus vel duo alternatim sexis genibüs, lumine nunquam in Altari deficiente, coram assitant.

III. Sacerdotes etiam ut dignius ex parte sua Missarum Sacrificia peragant, nunquam cum labi aliquujus conscientia ad Altare accedant, undevis saltem in Hebdomada, vel quoties necesse fuerit, Confessionem Sacramentalem summa recollectione faciant. Missas verò omnes (: nisi aliter Statutum fuerit :) juxta Applicationem Superioris Localis ad intentionem Conventus celebrabunt duabus in qualibet Hebdomada exceptis, quas ad suam intentionem dicere, & Eleemosynam pro illis cum scitu Superiorum suorum acceptare poterunt.

IV. Ut autem Confessarii sive Domi, sive in Missionibus fructuosiùs Sacramentum Pænitentiæ administrent, ideo in Confessionibus audiendis prudenti zelo suavitatem adjungant, nec quemquam dure redarguant, cautiique sint in discutiendis Pænitentiū conscientiis, & discreti in satisfactionibus assignandis, nec ignari Casuum Reservatorum S. Sedi Apostolicæ, Episcopis, & Superioribus; Ac proinde tales Reverendissimus Praepositus Generalis vel Ejus Vicarius feliget pro excipiendis Confessionibus approbandos, qui scientia Theologiae Moralis, probitate morum, & vita exemplari præstantiores fuerint; Nulli tamen Eorum licebit (: etsi fuerit jam approbatus :) sine prævio sui superioris consensu accedere ad Confessiones audiendas.

V. Ordinarii Omnes Religiosi Confessariis sui Ordinis confiteantur, qui sint deputati duo vel tres prout familiæ numerus exiget, & habeant potestatem à Reverendissimo

Præ-

Juxta Regul.
6. 5.

Juxta reform.
Clem. & Urba-
ni VIII,

(XIX.)

Præposito Generali absolvendj in foro interno & Reservatis suæ Religionis ; Extraneis verò non confiteantur , nisi in itinere , quando proprium Sacerdotem non habuerint Comitem , cùm tamen postmodum ad Conventum redierint , suo Ordinario Confessario , si opus fuerit , conscientiam aperiant , ut melius Eos in Domino possit adjuvare . Caveant tamen tam Superiores , quām cæteri Confessarii , ne habità ex Confessione notitiâ de aliorum peccatis ad externum gubernium utantur .

VI. Migraturi è vivis Omnibus Sacramentis necessariis muniantur , & moribundis unus Sacerdos assistat pro juvamine Spirituali , datòque signò campanæ omnes conveniant Agonem Eorum devotè Domino commendantes . Strictè interim , & sub pœna Excommunicationis , suspensionis , & privationis Vocis actiæ , & passivæ omnibus & singulis prohibetur , nè quidpiam auferant è cubiculo ægrotantium vel mortuorum , ne quidem ipse Superior , qui potius cùm duobus Discretis Conventus res omnes conscribet , & ad dispositionem Reverendissimi Præpositi Generalis conservabit , quem de tali obitu quantocitius certificabit , ut solitum suffragium pro Anima Defuncti omnibus quām primum demandare possit .

C A P U T . VI.

De Doctrina Christiana , & Missionibus ,

Licum non solum in Regno Poloniæ , verum etiam in pluribus Orbis Christiani Partibus sit magna multitudine Hominum ruditum Mysteria Fidei ignorantium , & pauci subinde tales inveniuntur pro ipsorum instructione Sacerdotes ; Quapropter Patres Mariani studebunt nedum in propriis , verum etiam in Parochialibus Ecclesiis , Vilnis , & Oppidis , quoties occasio contigerit , de licentia Loci Ordinarii *Homines rudes instruere , & Doctrinam Christianam docere* juxta Catechismum Romanum , & formam Sanctorum Patrum , tantè facilitate , sūt ab Omnibus intelligentur , tantèque cura , ut sine spirituali fructu nullus unquam recedat . Docebunt autem non sublimia Mysteria , aut Quæstiones Scholasticas , sed ea tantum , sine quorum scientia salus haberi nequit ; maximè Dei cognitionem , Cultum & Amorem , & Officia Justitiae Christianæ , verbò : Cæli via omnibus pro cuiusque status , & conditionis capacitate demonstrabunt .

*Juxta literas
Apostol. f. r. In
nocentii PP. XII.*

II. Ut

II. Ut verò meliorem operam impendant saluti Proximorum procurandæ , omni studio propriæ priùs incumbant perfectioni , & scientiæ necessariæ comparandæ ; Ac proinde Virtutes Viris Missionariis necessarias habere contendant , sicut patientes in adversis , humiles in prosperis , mansueti ad omnes , mortificati in passionibus , assidui in Orationibus , omnique data occasione Proximo pīs colloquiis . & salutaribūs consiliis ad meliora promoventes . Unde statim à primo suo ad hanc Sacram Religionem ingressu circa prædictas qualitates in unoquoque requisitas prudenter informentur , & faciendis Catechismis , sacrificiisque Concionibus dicendis tempestivè applicentur , necnon in Cæremoniis Ecclesiasticis , & Cantu Gregoriano diligenter instruantur .

III. In Sacris demum *Missionibus* , sive in Auxilio Parochorum exemplariter segerant , conversationem cum sacerdotalibus incautam vel quæ sacerdotalem sapit , non habent , quamlibet prævi exempli umbram fugiant , sed in omnibus & apud omnes pro Majori Gloria Dei , & ædificatione Populi bonum nomen studeant habere ; Omnibus fulgore temperantiæ , & sobrietatis præluceant , sacerdotialium epulas devitent , & à potu callido tanquam à somite peccati abstineant , ut per suam instructionem spiritualem tam in catechizando , quam Sacramentum Pænitentiæ administrando , & cum ædificatione prædicando possint plurimum fructum animabus afferre .

IV. Denique Patres missi extra Conventum ad nullæ loca vel Domos accedant , aut negotia quæcunque alia tractanda suscipiant , nisi quæ specialiter illis fuerint commissa , & , si quando casus aliter attulerit , in redditu fideliter Superiori suo indicent . Sed , neque in *Missionibus* , aut juvamine Parochorum ultra spatum trium Mensium demorentur , neque Superiores Conventuum possint ulterius prorogare sub pœna suspensionis ab Officio , nisi aliter ex juxta Causa Reverendissimo Præposito Generali visum fuerit .

C A P U T VII.

De mutua Charitate , & Correctione Fraterna .

I. **A**ntè omnia mutuam Charitatem inter se semper studeant habere , sine qua nec propria nec proximi salus obtineri potest . Sit igitur Anima hujus Instituti charitas mutua , à qua si quantulum recedent , tantum à vita , suòque salutis tramite declinabunt ; memores ergo sint illius

Huius mandati Christi Domini toties repetiti : *Hoc est preceptum meum, ut diligatis invicem.* Itaque ut evitent illum pestiferam suem invidiam, odium, rancorem, antipatiam, aliquae dissidii semina & somites, omnes se invicem honore, suosque Superiores obedientia, & reverentia prosequantur ex Officio Eos nominantes qui illud habent.

II. Diligentem curam Infirmorum quilibet Superior habere tenebitur, & omnia necessaria eisdem providere studi debet. Senioribus etiam *ut infirmis compatiendum est*, & providendum in omnibus necessitatibus; & iis praesertim, qui *cursum vitæ suæ in laboribus Religionis peregerunt*, duplex honor à junioribus exhibendus est, Eorumque defecus patienter sufferendi; nec patietur Superior localis. Eosdem jocis vel dicterioris juniorum irreverenter tractari.

III. Externis etiam quavis data occasione omnem possibilem Charitatem exhibere non negligant, neque illos tantum, quos benevolos sibi experjuntur, sed Adversarios quoque, quos Dominus Noster præcipit diligere, pio amore & Operum misericordia, quæ Ipsi Christo tanquam Supremo Capiti in membris exhibentur, & sola in districto Ejus Tribunalis triumphabit, merito prosequantur.

IV. Quoniam fraterna Correctio ex fonte Charitatis scaturire debet, ideo in eadem Correctione studeant omnes observare Doctrinam Sacrosancti Evangelij, nè per vindictam aut alium vitiosum motum contra Ordinem Charitatis, Consodalium suorum vel etiam aliorum peccata detegant. Superiores autem in ejusmodi Correctione caveant etiam ab ira, & conturbatione propter peccata alicujus, nam ira & conturbatio in se, & in aliis fructum impediunt, & abstineant ne dum à verberibus, verum etiam à verbis læsivis, & injuriosis.

V. Superiores non negligant quamprimum errantes corrigere pro qualitate delicti, & conditione Personæ de consilio Discretorum, nè magis noceant per conniveniam si lenitatem sequendo vitia pullulare permittant, & potius perdant, quibus parcere stulte videbantur; non enim mala sola punire debent, sed etiam prudenter providere, nè fiant. Periclitante autem alicujus famâ serio inquirant etiam per viam juramenti, & suspicções judicentur de consilio Discretorum. De suspectis vero confortiis notati, & juridice convicti gravioribus pænis arceantur.

Juxta Regul.
c. 7. § 9.

Juxta Regul.
c. 3.

C A P U T . V I I I .

De Suffragiis Defunctorum.

I. **Q**uoniam vestra Vocatio, & Professio est totis virib^{us} suffragium præstare Animabus Fidelium Defunctorum, ideo Omnes qualibet die (: exceptis Diebus Domini Sabaoth, septem Festivitatibus B. Mariæ Virginis, & quibusdam etiā aliis solemnib^{us} Festis primæ Classis:) Officium pro Defunctis unius Nocturni cum laudibus in Communi mane finita Oratione mentali, & Vespere recitare obligantur. Singulis verò Annis in *Benedict. XIV.* Die Commemorationis Omnium Fidelium Defunctorum, ac septem diebus prædictam Diem immediate subsequentibus more solito eamdem Devotionem specialiter promovere studebunt.

II. Ut quāplurimos Clientes, & Cultores Immaculatæ Conceptionis B. V. Mariæ, & Defunctorum suffragatores pariant, superiores locales pro suis respectivè Ecclesiis seriò insistent, ut juxta Regulam, & Constitutiones proprias, Sæcularium utriusque sexus Confraternitatis Decem Beneplacitorum Beatæ Virginis præsertim sub Titulo Immaculatæ Ejusdem Conceptionis (: Ex concessione plurius SS. Pontificum, & signanter Venerab. Innocentii Papæ XI. pro universa Congregatione:) sive etiam *Sanctæ Mariæ de Suffragio* ubique introducantur, & erigantur; Ac proinde Promotores pro singulis Ecclesiis deputentur, qui ad has Confraternitates amplectendas quemlibet suaviter inducendo, munus sibi commendatum diligentissime exequi pro honore illius purissimæ Virginis, & suo merito oīnib^{us} modis ad laborabunt.

III. Defunctis Patribus, & Fratribus sui Ordinis sine mora omnem pietatē in dando suffragio exhibere debebunt Omnes nōmīne excepto; Itaque præter Missam de Requiem cantatam, & totum Officium Defunctorum insuper singuli Sacerdotes tres Missas dicent pro cūjuslibet Anima Defuncti: Clerici verò, & Coadjutores Fratres tribus vicib^{us} Officium Defunctorum, ac toties Rosarium totum recitabunt. Superiori autem Loci sola Communitas illius Convēntus vel Dōmus, tota verò Religio Mariana Reverendissimo Præposito Generali duplicatum suffragium præstabit.

IV. Quolibet etiam mense per annum die non impedita festo dupliči celebrabitur una Missa de Requiem cum Officio

De-

(XXIII)

Defunctorum pro Defunctis Patribus , & Fratribus sui Ordinis , secunda pro Benefactoribus & Fundatoribus , Clerici vero , & Fratres Coadjutores præterea totum Rosarium recitabunt . Ac proinde curet etiam quilibet Superior ^{Juxta reform.} Clem. , & Urb. VIII. habere in sua Ecclesia Altare Privilegiatum , ut in qualibet Hebdomada ad illud Missæ de Requiem celebrari possint .

C A P U T I X.

De Capitulo Generali , & Electionibus Superiorum .

I. R everendissimus Præpositus Generalis antè expirationem sexennii sui Officii tempestivè secundum diltantiam locorum per suas literas Circulares pro celebrando Capitulo Generali omnes Patres Vocales , ac præsertim Emeritos AA. RR. Patres Congregationis ut potè Consultores ac Discretos perpetuos , tūni Commissarium & Procuratorem Generalem , nec non MM. RR. Patres Assistentes & Secretarium , omnesque & singulos , qui alias & usque in præsens legitimo suffragandi jure gaudere de more censentur , convocabit . Utque hujusmodi Capitulum recte , & fideliter ad Dei Gloriam , Immaculatae Virginis Honorem , & Totius Ordinis Mariani Utilitatem dirigatur , & cedat felicitus , supplicabit S. Sedi Apostolicæ vel Excellentissimo ac Reverendissimo de Latere Ejusdem S. Sedis Nuntio Apostolico pro deputatione alicujus sibi benevisi Prælati sæcularis sive Regularis in Dignitate Ecclesiastica constituti , qui ad Electionem Novi Præpositi Generalis Nomine & Authoritate sibi delegata præsideat , & consentientibus Votis Neo Electum canonice nominet , & declaret .

*Juxta Regul.
c. 5. § 6.*

*Juxta Testam.
Ven. Fundat.*

II. Electionem quamlibet Canonicam præsidente semper eodem Reverendissimo Præposito Generali præcedere debet inter Vocales Tractatus Consultorius duobus aut tribus vel pluribus diebus antè , in quo discutiantur merita & qualitates eligendi ; dummodo secum non determinent Electionem , priusquam locum Capituli ineant , & servent servanda . Debet autem fieri Electio per vota secreta , seu per schedulas sigillatas intus Nomen Electi cum Nomine itidem & manu Eligentis continentis . Satis tamen est , si concurrat major pars eligentium ad hoc , ut sit tota unius electio . Quod si duo vel plures Candidati exeant cum Votorum in se jactorum paritate , fiat de istis solis iterum scrutinium ; & , si nullus adhuc supereret alterum Votorum pluralitate , censeatur electus Dignior , atque hanc

*Juxta Conc.
Trid. scis. 25.*

Item facilè pro tunc D. Præses dirimet alterius sui suffragii adjectione , duo enim Vota in Eiusmodi Electione habebit .

III. Ut aliquis habeat in Capitulis Electionum Vocem Activam , & Passivam , necesse est ; ut sit Sacerdos quinquennio , & Professus dæcem annorum ; ad solam verò Activam sufficit justum tempus factæ Professionis cum Ordine Sacerdotii conjunctum , dummodo *requisitis polent qualitatibus* & ex Officio fuerit pro Capitulo vocatus ; ad Præposituram tamen Generalem desiderantur in Eligendo anni triginta sex . Nemo unquam per Procuratorem aut substitutam privata Authoritate aliam quamcumque Personam Votum poterit ferre , sed requiritur uniuscujusque realis præsentia ; Ab infirmo tamen in Domo Capituli decumbente & Vocem habente excipiatur secretè suffragium per Secretarium Capituli . Ex tribus Germanis vel Patruelibus vel Consobrinis Fratribus , si illos ad Capitulum simul venire contigerit , duo tantum seniores Vocem habeant , minimus excludatur , vel alter ex Senioribus recedat , si junior Officii aut Dignitatis gradu excellat . Quod si quis sine legitima & evidenti Causa Voce suæ renuntiare vel non accedere ad Capitulum ausus fuerit , voce utraque ad Triennium privetur . Si quis verò aut sibi dedisse suffragium vel ad id quoquomodo alium induxit compertus fuerit , remaneat perpetuò ad utramque Vocem , & Officiæ inhabilis . Nullus excommunicatus , suspensus , irregularis , aut voce privatus , debitis alienis , litibus , aut *alio aliquo impedimento* innodatus ad Electionem tam Activam quam Passivam admittatur , nisi sublatio quocumque obice . Atque ideo præviè & statim in primariis Sessionibus quærelæ omnes , quæcunque oblatæ aliquando fuerint , audiantur ; Dissensiones & quævis materiæ odiosæ præprimis judicentur , & prudenter componantur ; cœtera verò omnia negotia , aut honesta alia desideria ad posteriores Sessiones remittantur .

IV. Incæpto demùm , ac terminato omnium Vocalium scrutinio in ipso pervigilio Electionis præmonebit D. Præses Omnes Vocales ad dirigendam Novi Præpositi Generalis hujusmodi Electionem , atque die sequenti hora matutina post imploratum devotè Spiritus Sancti lumen , & Sacrum solemniter celebratum dato signo Campanæ Omnes Vocales Templum ingressi , & proprio Nomine vocati suis in locis consideant ; Interim verò Reverendissimus Præpositus Generalis præmisso brevi sermone sese officio abdicabit , & assistente sibi Secretario sigilla Ordinis in manibus Domini Præsidis reverenter deponet . Mox facta ab omnibus

Juxta reform.
Clem. & Urb.
VIII.

V-

(XXV)

Vocalibus Confessione Generali , & Absolutione impetrata feligantur duo vel plures Disquisitores , at que collectis omnium Vocalium schedulis , ac per D. Præsidem in Eorum præsentia retectis declarabitur Neo-Electus ; quam Electionem D. Præses firmam , ratamque nomine , & Authoritate sibi delegata pronuntiabit , eidemque cum Disquisitoribus manu propria subscribet . Ac denique concrematis schedulis , apertisque Templi januis solemnis fiat hujus Canonicae Electionis publicatio ; Postea Hymno *Te Deum* pro gratiarum Actione solemniter decantato D. Præses sigilla Ordinis & locum cedet Neo-Electo , cui omnes Vocales ac coeteri Religiosi præsentes debitam Obedientiam , & reverentiam contestabuntur .

V. Peracta Electione Reverendissimi Præpositi Generalis mox die sequenti Præside Ipso Neo-Electo in loco Capitulari modo quo supra per Vota secreta fiat Electio A.R. P. Commisarii & Procuratoris Generalis , MM. RR. PP. Assistentium , & Secretarii Ordinis , quorum Omnia Elec^{tiones} legitime factæ publicentur . In proxima denique Sessione eligantur RR. PP. Præsidentes Conventuum , nisi forte aliquando in Provincias dividantur ; Ac deinde etiam reliqui Officiales , inter quos Procurator Provinciæ , Magistri Novitiorum , Vice-Præsidentes , Lectores aut Professores ; Prædicatores , Confessarii , & singuli omnes ad alia quævis munia recte obeunda pro suo merito & capacitate de consilio , & consensu Assessorii per Reverendissimum Præpositum Generalem deputentur , nec tam facile (: nisi aliquando necessitas vel alia causa justa postulaverit:) in suis Officiis distrahanter , aut aliquam mutationem locorum subeant ; sed tam ipsi Præsidentes quam alii Officiales Conventuum saltem per Triennium , Majores verò Officiales per totum sexennium munia sibi commissa dignè administrabunt . Coetera tandem serventur de more & jure servanda .

C A P U T X.

De Superioribus .

I. **U**niversam Reverendissimus Præpositus Generalis cum consilio Discretorum , & Majorum Officialium reget Congregationem , immediate Ipse cum Tota sua Congregatione subjacens semper Sanctæ Sedi Apostolicæ , & Ejus respectivè Legatis , coeteri autem Omnes Eisdem & aliis canonice electis Superioribus & Officia-

*fuxta Bullam
fel. rec. Leonis
PP. X. que in-
cipit. Regulam
profidentibus , &
juxta Regul.c.3.
li-*

libus sine confusione regiminis fideliter obediant. Visitatè Conventus aut Domos semel in anno vel quoties, opus fuerit sive per se sive per sui Ordinis Commissariorum præser-tim antè quodlibet Capitulum Generale pro vigore. Instituti & Observantiae Regulæ, Statutorum, aliarumque Constitutionum & Ordinationum Capitularium in flore reti-sendo ad Eundem Reverendissimum Præpositum Genera-lem spectabit.

II. Ipsius etiam munieris erit Novitos admittere, Eos que ad Professionem per se vel per alium suscipere, ad Ordines promovendos, & Confessiones Sæcularium excep-tiendas Illustrissimis ac Reverendissimis locorum Ordinariis præsentare, Missiones instituere, Fundationes acceptare, cœteraque omnia, quæ Superioribus Generalibus de jure competunt, cum consilio suorum Discretorum, & Offi-cialium ordinare, agere, & exequi, atque Congregatio-nis Marianæ Augmento sedulo insistere, & in omnibus de-bitæ observantiae ac Regulari disciplinæ invigilare; Quæ propter quolibet Triennio habebit Congregationem, seu intermedium Capitulum pro aliquo Bono statuendo, aut malo avertendo; quæcunque autem alias ordinaverit, so-lùm tempore Ejus Officii durare ac valere debent, nisi per Capitulum Generale in perpetuum recipientur.

III. In ea Domo vel Conventu, ubi fixè Reverendissi-mus Præpositus Generalis residet, habeatur Archivum, in quo Scripturæ ad Congregationem pertinentes, Actæ Capitulorum, Decreta, Ordinationes, Fundationum Ere-ctiones, Admisiones, Profissiones, Dimissiones, Obitus Religiosorum sui Ordinis ac Benefactorum, & quævis alia statutum Congregationis concernentia per Secretarium fide-liter annotata conserventur, Quod si contingat Reveren-dissimum Præpositum Generalem intra tempus sui Officii aut mori, aut resignare, aut deponi, prædicta omnia adimplebit Commissarius, seu Vicarius Generalis, qui absque nova Electione usque ad Capitulum, plenum Congre-gationis regimen retinebit.

IV. Denique, Superiores locales sint *moribus & obser-vantia regulari prædicti*, non solùm spiritualium, sed etiam sæcularium negotiorum, & rei familiaris peritia benè in-structi, charitate paterna, ac vigilantia in omnibus tam ad corpus quam ad spiritum erga subditos suos se gerant, Do-mum suæ Curæ commissam, & Animas Fratrum cum con-filio duorum Discretorum semper gubernent. Bona etiam Conventuum non per se, sed per Coadjutores. Fratres ad-ministrant & Archivum Conventus benè ordinatum te-neant

(XXVII)

nent, in quo Inventaria Ecclesiæ, Domus, & aliarum Officinarum diligenter conscripta, & quævis alia monumenta ad illum Conventum pertinentia ordinatè conservent. In omnibus denum Conventibus habeantur Decreta Reformationis Regulatum sel. rec. Clementis PP. VIII. bis omni mense in loco Capitulari legenda.

Juxta Constit.
Clem., & Urb.
VIII.

V. In quolibet Conventu sit *Depositarius*, apud quem Pecuniæ deponantur, dispensaturus pro necessitatibus Eiusdem Conventus ex mandato R. P. Præsidentis, uterque tandem tam Perceptarum quæ Expensarum quovis mense & anno in præsentia Discretorum calculum facturus; Ac proinde in singulis Conventibus *duo*, *vel plures* ex Dignioribus Patribus Discreti elegantur, quorum consilio & Assistantia RR. PP. Præsidentes ad gubernium sui Conventus utantur.

VI. Caveant Superiores, ne aggravent suos subditos rigidis pænitentiis aut mandatis, sed conformia viribus, talentis, qualitatibus cuique imponant; cum enim teneantur subditi cæca, & voluntaria obedientia parere, providendum est imperanti, ut talia injungat, quibus cum Gloriam Dei & suo merito quisque satisfacerè poslit. Quilibet Superiorum meminerit illius Divini Spiritus moniti: *Recrearem Te posuit Deus, sis quasi unus ex illis*: Non Dominator igitur sed forma gregis effectus, prius faciens *exemplo*, quod imperaturus est *verbo*, idem in Omnibus Legum servator non tantum Custos, pietate, discretione, prudenteria prædictus, zelum lenitate, lenitatem zelo attemperans, ut neque per conniventiam neque per nimium rigorem magis obfit. In instituto quæ proficit. In omnibus igitur se suis subditis ita exhibere current, quales ipsi libenter etiam alios erga se habere vellent, si essent subditi. Diligenti circumspectione ad Eorum necessitates attendant, & tempestivè easdem providere studeant, ut qualibet etiam hora promptam benefaciendi voluntatem accedentes experiantur. Sit Superiorum cum coeteris Religiosis conversatio viva cunctis prædicatio, diligent omnes absque partitilitate in Christo, nam Personarum acceptio nunquam sit sine scandalo, sed cum maximo semper communis vitæ detrimento. Vitium autem proprietatis omnino abscindant, nec permittant aliquem habere aliquid sine præviè obtenta ab Eis licentia, sed nec Ipsi secum dispensare audeant quocunque exquisito colore, memoresque sint illius prohibitionis S. Augustini: *Qui proprium habuerit, & de proprio vivere voluerit, non tecum manebit, nec Clericus erit, sed delebo Eum de Tabula Clericorum*. Propterea non patiantur

Juxta Regul.
c. 7. & 9.

Juxta Decr.
S. Nuntiat.

tur se respectibus privatis induci, ut horum intuitu ea admittant, quæ contra Instituti disciplinam, ejusque felices progressus pugnant.

Curent itaque Omnes esse seduli in Observantia non minus Mandatorum Dei , quam Regule Decem Beneplacitorum Beatæ Mariæ Virginis , nec non prædictorum Statutorum (: quæ tamen non obligant sub gravi peccato essentialibus exceptis , nisi contemptus adsit :) & in Eorum exacta adimpletione usque in finem perseverent , ut salvi fiant .



